



833067

旅橐詩序

詩無風尚而善持風尚者則雖時習遷流遞相轉變而仍不失乎詩人正則之旨猶之善琵琶者六么散序各有變調然從聲既定其爲轉關者自在也毗陵邵子湘以詩古文名於時余閒讀所選明四家詩每就其辨論窺其指歸則雖力持其流沫而要之從聲變律所稱宮羽相須者不少失焉今年春子湘來京師王公大人爭欲得一見以爲重子湘乃避居隘巷獨與愚山阮亭諸公晨夕倡和余聞而慕之近出所爲旅橐詩一卷授余卒讀抑何清新發越極揚厲之變而仍不失乎正也夫

青門旅橐

詩序

宛陵滄浪別具風采而要其所趣則青蓮少陵各不能外子湘以和平之情發七羽之調高涼峻激鳶鳴鶴唳而神雄氣渾一如龍拏而虎躩者自非青蓮少陵不足以狀其所至也子湘之來適當盛朝舉賢徵車全集士稍負材藝者皆思自致青雲才如子湘顧反不與宜乎發爲詩歌不無芥蒂而子湘處之怡然方日與諸公流連道故蓋所爲自命者固有在也子湘豈肯以南山北闕爭得失哉康熙己未重九前一日合肥李天馥讓

予自己未春入都涉秋東之海上登蓬萊閣求三神山
不可見已乃轉客淄青客歷下又往來都門者數年乙
丑南歸客武林頗久前年踰大庾嶺游端溪客羊城欲
訪羅浮不果還抵章江會族兄靜山先生視學江右遂
留年餘然後歸蓋己巳六月也逆數己未忽忽十有一
年此十餘年中無歲不旅閒一再歸草堂不久輒去之
則草堂亦旅也又二年始得排次己未迄辛未所存詩
文凡六卷題曰青門旅藁飲之黎嗟乎士負七尺軀進
不能有所豎立退不能巖棲谷飲垂老矣溷姓名於不
仕不隱閒爲鄉里所笑行自慙也不幸如昌黎所云衣

青門旅藁

阜序

食於奔走學殖日落而猶欲以是詹詹者與立言之士
爭身後名於萬一又重自悲也雖然某於此亦有可以
自信不爲流俗毀譽非笑之所移者而況海內交遊離
合之跡忠孝節烈之行事與夫山川遊覽之勝往往見
於予文它日歸草堂晴簷偃曝偶一展卷或亦嘖然而
自笑也夫邵長蘅題

世之言文者曰文必有法夫法何昉乎豈嘗有懸爲成式命之曰如是以爲法乎抑自觀者見之合於道中於人心有自然不可易者焉故以云也譬之樂然喉中轉氣管中轉聲七均備而一調成而疾徐舒斂高下清濁不失其則也苟無得於聲氣之元徒求之器與數猥稱今樂猶古陋已毗陵邵君子湘瓌偉奇逸士也績學工文爲宋牧仲中丞公所知中丞淵雅善鑑拔以斯道爲任與于湘爲青雲之交乙亥秋以所刻旅稿寄予曰子其序之于湘著述甚富此其客遊卽次之作積有六卷

青門旅藁

文序

可謂勤矣予竊慨夫爲文者日言法而莫知法之本也雕繪景光以飾浮采造綴巧僞以揚虛聲不原諸聖賢之旨無關於前古當今之故誦習一一家言句倣字摹說說然說於人曰法如是斯文之病也豈所謂載道者哉予湘之文華而實簡鍊詳贍各盡其致者法也而根極理道輔翼風教喻諸獨而信諸人則有超於法之表者韓愈云其皆醇也然後肆焉孫樵云人宜一二百言者能數十言輒盡情狀至言窮事際反若有千百言在筆下庶足當之矣迨讀所爲李忠肅公傳致歎於烈皇帝之英明而不宜用公策卒至宗社淪胥主臣同盡有

不禁愴然而悲者此尤流俗之文所未有也竝質之中
丞其以予言爲有當乎不輒山七十四老人王弘撰序

青門旅橐

文序



卷一 古近體詩一百十首

出門

丹陽別惲正叔二首

榆樹行

渡江值雪

雪後滁州道中

立春

徐州漢高廟歌

戊午除夕阿城客舍同楊芝田汪新又守歲三首

元日荏平道中

交河道中大風

讀愚山阮亭兩先生詩賦贈

題王咸中石塢山房圖卽送之還山

青門旅橐詩目

仲春雪後侍讀王阮亭先生招李子德潘次耕梅

耦長董蒼水同集用積素廣庭間為韻五首

學士王吳廬先生招李子德顧赤方王山長諸子

同集時子德談兵事甚悉

送翁武原同知黃州

送吳星若遊大梁

三月十二日得瞻

今卜所賜宮詹臣沈荃

御書大字恭賦長句劾柏梁

體

送董舜民遊五臺山

送梅耦長遊西山

送毛月山遊黃州

送惲晉明孝廉下第歸

和葉九來憶鶴詩

題書

都門旗亭讌集贈別豹人赤方蒼水諸子

和阮亭先生兩後西郭眺望見懷之作

附兩後出西郭懷冰修子湘耦長 王士禛

平湖鮑聲來持汪鈍翁先生書索題草庭

上李行呈閣學容齋先生

五月十七日喜聞諸公同官翰林賦贈五十韻

有敘

陳其年贈余兩顛行戲爲狂歌答之時余將有梁

齊之遊

附兩顛行贈子湘

陳維崧

青門旅臺詩日

二

附戲題兩顛行後贈其年子湘

王士禛

己未七月五月初度遣懷二首

月夜冰修耦長借過阮亭先生寓齋同阮亭作

三首

附月夜喜冰修子湘耦長科跣見過 王士禛

月夜起坐懷顧赤方

阮亭以詩索耦長畫次韻

附初秋索耦長畫

王士禛

地震詩戲傲昌黎體

愚山侍講分貽敬亭綠雪茶和阮亭作

將之登州留別阮亭愚山兩先生冰修其年耦長

諸子

附 送子湘之登州詩

施閏章

王士禛

毛奇齡

陳維崧

梅庚

陸嘉淑

白溝河懷古

重過趙北口小憩

鷄鳴曲

蓬萊閣望海

冬夜遣悶效黃山谷

臘月廿四夜口號

己未登州除夜二首

雙白松為房慎菴侍御賦

東臯山房試茶歌

作客

青門旅橐詩目

三

雨泊露筋祠

寒食宿遷道中雨

鄒縣道中喜晴

經下邳偶書即目

任城太白酒樓歌

有敘

送友之鹽亭令

送友之莆田令一首

哭施愚山先生十韻

送黃牧公進士南歸

九日贈別家二峰

寄壽汪鈍翁先生三首

癸亥都門除夜

祭酒王阮亭先生招金穀似吳天章陶紫笥張杞

園同集用夜闌更秉燭為韻分得闌字

丁鴈水觀察捧表入賀即贈別還虔南

題龔節孫種橘圖

有序

張魯菴水部招飲一畝居羣賢畢集斐然有作首四

京邨招集諸子送家樾公歸武林用東坡昨夜風

月清夢到西湖上為韻得十絕句

題豫章東湖圖二首 送孫編修使安南

詹事高澹人先生以蔬香圖卷子屬題卷中尚闕

六言為補此體四首

重輓愚山先生八絕句 後苦熱行

慈仁寺古松歌 贈張真人

李鄴園先生內召拜大司馬二首

西安將軍凱旋獻紅綠鸚鵡各一擬應制廿四韻

青門旅橐詩目

卷二 古近體詩一百三十九首

送少詹王阮亭先生祭告南海

將歸草堂東故鄉親友 南歸雜詩十首

舟中讀昌黎詩戲作 喜歸草堂即事四首

之武林舟中作 不到

四可樓夜坐

靈隱記遊六首

靈隱寺 飛來峰 冷泉亭 射旭洞

呼猿洞

山行即景

拜岳鄂王墓下二首

家二峰招丁約園毛穉黃諸君看牡丹分賦四首
寄題陳椒峰畧圃雜用少陵遊何將軍山林韻首
戲題青門介壽圖歌

將遊粵東畱別西泠毛穉黃吳慶伯諸子

桐廬道中富春渚

曉過釣臺不得上衢州道中

常山曉發餘干官舍題壁

登餘干冠山三首

舟泊瑞洪坐洪福寺竟日

樟樹鎮晚泊鎮爲王文成誓師地

青門旅橐詩目

五

峽江縣阻風

過螺子山望文丞相祠

泊泰和追悼蕭孟昉四首

上十八灘二首又十八灘口號三首

偶題

贛江舟中憶亡友魏叔子三首

盛誠齋儀部權闕贛江賦贈

五日南安舟中

過大庾嶺詠古兼述旅懷五百字

入峽

葉公二首爲某公作

附戲和

家庭齡

題孫徵菴前輩觀瀾圖小照二首

袁州謁昌黎祠

宜春臺懷古

人日小飲牧仲先生署齋賦贈二首

雪後登滕王閣放歌

漢四神古鏡歌為家汝為作

南康阻風和彭覲宸

廷獻

夏庚

廷謨

題錢舜舉三蔬圖和牧仲先生作三蔬菜筍蘆服

也

庚午五日楊青邨大令邀泛琵琶湖六首

芝城道中偶維舟村步即景

青門旅橐詩目

七

舟中為彭覲宸題四時漁樂圖

六月初二夜泊康郎山書所見

北蘭寺記遊六首呈澹公

仿舫居

列岫亭

到汝堂

南林花坪

澹雪泉

種瓜圃

又寄題棟花坪

李涓清宮贊典試雲南遙寄二首

青門旅橐詩目

終

青門旅橐文目
卷三 序十六首

思規齋詩序

周櫟園先生文集序

贈王子重先生序

送翁武原詩序

送張君之南寧別駕序

嵩山書院序

贈戶部尚書王公祀名宦錄序

張水部歸養詩序

送姪璿遊太學序

青門旅橐文目

卷四 記八首

吹萬集序

代寧陵縣志序

少司馬王公奏疏序

南城程氏族譜序

飛來峰記

萬柳堂記

夜遊孤山記

問津園記

重建始祖康節公祠堂記

息芥記

書嵩山石闕銘後

書朱文公同年錄後

書金谿兩烈婦紀略後

書雙忠遺翰卷後

書

書

書

書

書

書

書

書

王北山哀辭

族兄靜山提學哀辭

張烈婦哀辭

并敘

代甘霖應禱頌

并敘

代清故光祿大夫太子太保禮部尚書王文貞公

誄

并敘

卷五 傳九首

明監察御史張公傳 登州太守譚君傳

明左都御史李忠肅公傳

雪樵先生傳 進士王東亭傳

馬氏二烈女傳 贈兵部尚書馬公家傳

八大山人傳 朱孝子傳

青門旅橐文目

二

卷六 碑二首 誌銘墓表五首

代蔡忠襄公祠堂碑

代清故通奉大夫詹事府詹事兼翰林院侍讀學

士加禮部侍郎沈公神道碑

代丁九貢先生墓誌銘 諸老道壙銘

王母韓孺人墓誌銘 清故文學耿君墓表

文學明卿楊君墓表

青門旅橐文目 終

昆陵邵長蘅子湘 纂

濟甯王士禎貽上 評



憶己未客都門寓保安寺街與阮亭先生衡宇相

愚山先生相距數十武水修僅隔一牆偶一相思

爾造訪都不作賓主禮其年寓稍遠隔日輒相見堂

月夜偕諸君扣阮亭門坐梧樹下茗椀清談達曙愚

山贈行詩有云蹋月夜敲門貽詩朝滿扇益紀實也

余每出一篇必經阮亭先生點定諸君亦互有商畧

或丹黃雜揉至不可辨故此卷登州以前得評語尤

青門旅臺卷一

一

夥迨癸亥再入都門愚山其年盪遊道山水修歸鹽

官貞疾不出獨阮亭先生在耳然亦不能如曩時過

從之數明年先生以使事出余亦南歸今忽忽五六

年矣入秋小暇檢簾中舊臺追維疇昔聚首觴咏言

笑之權逸若河山而諸先生評語觸手如新因竝存

之以識一時交誼書此時老泪爲之一灑卷中不著

姓氏者阮亭先生評也已巳中秋日邵長蘅識

古近體詩一

出門

出園二十載耕釣亦不閑驅犢東岡下投竿北瀕邊頗

得遂疎懶自謂將永年今年苦歲惡妻子憂藜藿研田
轉疎蕪里閭亦蕭索忍茲性命憂束身就遠役心跡遂
乖違對人顏面赤此行實饑驅豈敢托高跡歲晏離別
苦道遠衣襦單層冰鬱哦哦積雪蔽岡巒出門自苦辛
慷慨歌路難陶公饑來驅我去叩門拙言詞杜公殘盃
及冷炙到處潛悲辛子湘此行實饑驅豈
敢托高跡直
是妙在不諱

丹陽別惲正叔壽平

北風索索雪皑皑野店離盃飲不酬惆悵明朝過江去
數峯橫翠是江南

青門旅藁卷一

二

一隊鈴聲趁曉驢帽簷低壓白侵鬢頰君小傲唐人筆
畫出丹陽風雪圖

榆樹行

句容城邊古道傍榆樹千株萬株白枯幹僅存皮剝盡
饑民慊慊春作屑雜以糠粃半和土食之喉澀腸腹結
此事傳聞五十年卽今眼見增歎息去年大水波滔空
桑麻委折洪濤風今年大旱魃爲虐龜坼千里生蒿蓬
告災頗遭縣官怒鞭撻不顧蒼黎窮煌煌詔書屢寬恤
上下一轍仍相蒙十年四海風塵起跋扈飛揚猶未已
巴蜀荆南急鼓鼙東吳西浙成瘡痍行時民貧鬻兒女

今年兒女鬻無處老翁路旁臥不起乞得一錢淚如雨

高天漠漠寒雲橫。愴惻吞聲策馬去。可常詩史惟老杜

感激時事之言出以沉鬱頓挫遂在張玉樂府上

渡江值雪

挂席衝江雪孤舟圖畫中水兼天晶晶山合樹濛濛

瘖憐遊子行藏羨釣翁洵河飛不去暝立渚烟空

五六正以情致酷盡落句澹澹結之亦修

雪後滁州道中

環滁山色好況是雪中看天合千峰白風鳴萬樹寒炊

烟壓茅屋霽景明林端欲問歐陽蹟荒碑蘚蝕殘

青門旅棗卷三

三

通首明瑟極似劉春虛其年

立春

符離城邊淝水北客路逢春自可隣彩燕深閨虛想像

菜盤野店亦新鮮桑乾冰雪三千里平芜烽烟又一年

無恙吾廬風物好瓶梅棊几紙窗前

深得少陵神理此弘正閒風格嘉隆以後便少

徐州漢高廟歌

沙丘車上腥鮑魚咸陽宮中迷鹿馬山東羣盜如蝟毛

篝火狐鳴叢祠下是時真人起芒屨百戰雌雄判劉項

此地曾經舊戰場千年遺廟黃河旁黃河南望戲馬臺

嗚呼項羽真雄才。拉摧秦兵若枯藁。指揮王侯提嬰孩。
彭城形勢亦壯哉。沐猴衣繡空見猜。土人伏臘走巫覡。
不祀重瞳祀隆準。成敗論人自古然。真使英雄氣悽咽。
君不見風塵瀕洞逐鹿時。高才捷足偶得之。嗚呼高才
捷足偶得之。

遂勝廣武一
愚山

漢高廟歌乃大爲憤王吐氣史公
以本紀冠高帝之前人同此心耳

戊午除夕阿城客舍同楊芝田汪新又守歲三首
出門三十日明日又新年客路吾山北鄉心汶水前遣
愁聊酒醞送臘只詩篇慰我淒涼極燈花作意妍

二

青門旅橐卷一

四

我曹盃酒共只當故鄉看歲月長途老親朋聚首難荒
城明炬火野店畧盤餐噉噉憐征鴈霜風竟夜寒

三

暫遣鄉愁去茫茫又百端隔年當此夕兒女話團圓貧
賤生離苦兵荒旅食難祗應判爛醉客淚莫沈瀾

三詩字字老到何
減少陵 愚山

清空一
氣如詩

元日荏平道中

在平古
重丘地

客行依伴侶元日又征羈邨落歡兒女叢祠蕪紙錢疾
風沙路暗落照古丘圓正憶江南景梅開嬾遠天

交河道中大風

春到交河冰不開。疾颺馬首暗征埃。空屯格格輪蹄苦。
寒日荒荒虎兕哀。眯眼黃塵迷北望。傷心白鴈故南迴。
正愁行路難如此。悔別清溪舊釣臺。

讀愚山阮亭兩先生詩賦贈

風雅代盛衰。斯文豈小藝。先哲遞師承。流傳有根柢。嗚呼百餘年。莊趙崩榛翳。嘉隆始濫觴。末流迺橫潰。自從啓禎來。啁噍不可記。或如蒼蠅聲。或如蝸蟻沸。或如古塚幽。漆燈嘯魑魅。或如侈殿荒。牛蛇眩神怪。或如三日婦粧梳。取嫵媚。或如土木偶。蒙金寡生氣。或如夜郎王。黃屋嗤漢大。詩詠著五行。世變斯可慨。聖朝盪昏氛。

青門旅棗卷一

五

重熙洽必世。運開鳳麟遊。言淆作者至。宣城別體裁。清真變綺麗。溫柔實詩教。穆如風人遺。新城富天授。萬象聽鑪錘。鍾呂振鴻音。凡響一以閔。數語爲宛陵先生寫照。獨不佞對舉殊愧。

泰竊走也。菰蘆人少。負遺俗累。竭來客京華。頗覺耳目

異。憑軾總俊民。飛轡皆髦士。金張侈貂蟬。田實傾勢利。冠蓋驚塵埃。營營各有謂。鄙人昧所適。曹騰祇益睡。出門十步餘。風沙目爲翳。低頭還入門。拂拭增歎喟。幸荷瓊琚貽。灑我塵土穢。宵吟見朝暉。晝讀燭仍繼。瓣香敬在茲。繾綣申末契。素心托松筠。濡翰聊敘意。

洋洋大篇深得老

札結構愚山

題王咸中石塢山房圖卽送之還山

試披堯峰圖。突兀堯峰出。杳嶂杳青蒼。環湖靄明滅。彼
美山阿人。結構倚巖穴。楂臥澗屢迴。篠密徑疑閉。松巖
雜。泉聲異。響同清。越想見梅花開。空山映殘雪。天然幽妙句
人性坦易行。止鮮滯跡。偶隨出山雲。復買還山屐。春江
長。雕菰楓岸啼格磔。送君默惆悵。故山有泉石。

清暉滿眼自然可愛

寒笛對京口故人在襄陽正爾似此風格其年

仲春雪後侍讀王阮亭先生招李子德潘次耕梅
耦長董蒼木同集用積素廣庭閒韻五首

江南梅已殘。燕北雪還積。斜日淡寒輝。水溜承欄滴。倚

青門旅棗卷一

六

然擁爐坐空館。愁

二

叩門枉尺書。故人邀我去。汨汨泥潦盈。廣衢不可步。立

馬望西山。千峰晶凝素。

三

高齋接時彥。文翰互欣賞。痛飲思阮生。清談慕樂廣。躡
步臨前除。枯林寒月上。

四

雪色生夜寒。月華散空庭。哀鴻千里音。遠客千里情。賴

茲賞心侶。鄙醪還徐傾。

論交愜新歡笑語永夜閒近寺殷鐘聲幽聞疑空山惆
悵此言別愛君數往還

五詩有
韋風

學士王昊廬先生招李子德顧赤方王山長諸子

同集時子德談兵事甚悉

左掖春陰散西山霽雪初儒臣逢下直詞客數相於舊
好來京洛新交接應徐凍缸浮綠蟻碎雪鱸鮮魚有客
談兵事炎荒尚戰車捷音連夜動民力幾時舒荏蕪烟
塵外嶠潼涕淚餘憂時紛感激痛飲且軒渠官漏微寒
淺春星醉眼疎尋欄索梅蓋釘格出芹菹厭禰知亡是
雷髡信有諸坐殘銀菡萏水吐玉蟾蜍大雅看前輩論
詩實起子羈棧隨燕雀踰蹬笑鷄鵠方朔侏儒粟昌黎
宰相書掃門吾不敢開閣意何如

是子美
章法

青門旅橐卷一

七

送翁武原同知黃州

汀。壁。山。前。黃。子。國。孤。城。曲。抱。大。江。流。張。帆。楫。柁。乘。春。去。
建。隼。腰。章。亦。壯。遊。津。漲。桃。花。出。鱖。紫。雨。來。楓。樹。叫。鉤。輈。
才。人。佐。郡。應。多。暇。盡。日。吟。詩。上。竹。樓。

五六別全首
格調道上

送吳星若遊大梁

華。山。芳。艸。送。君。行。貫。酒。旗。亭。識。姓。名。兔。苑。風。流。散。枚。馬。
行。眉。慷。慨。憶。高。荆。天。青。二。室。低。封。樹。河。倒。三。門。挾。雨。聲。

宋殿隋堤俱寂寞。憑君此去弔侯生。

覺何李風流
未墜 其年

三月十二日得瞻

今上所賜官詹臣沈荃 御書大字恭賦長句効栢梁

體

康熙天子垂衣裳。曠曠白日照八方。條支黎軒西徂羗。
弱水縣度紛梯航。桃枝犀牛後貌黃。南蕩百粵通夜郎。
戈船下瀨泔荆江。蛟蜃鯨鯢波不揚。鴻臚句傳同萬邦。
皇帝謙讓躬未遑。內庭恭儉絕俳倡。詔書十道徵賢良。
數麟郊鳳天網張。未央殿帷集書囊。研礬側理澄心堂。
春容翰墨鍾與玉。擘窠大書蚪龍翔。腕。縣。心。正。體。勢。莊。

青門旅稟卷一

八

屹如嶽峙。鎮大荒。爛如雲漢。昭回光。詔賜臣荃帝寵彰。
黃綬玉軸陳中央。再拜仰視垂奎章。髣髴依光日月傍。
艸莽臣蘅稱恐惶。拜手稽首効頌飏。
皇帝萬年聖道昌。

典謨訓誥洋洋大篇真可
塗林清廟生民詩 其年

送董舜民遊五臺山

我聞雲代閉茲山。神仙窟。祿版雖茫。昧圖經。憶髮髯黃。
河右縈繚。恒嶽左。擘嶺。凝六月。冰巖嵌。千年。雪松栢。
森地底。絕頂。但石骨。五臺五芙蓉。詭狀。鬪奇。絕。東。墀。古。
雪峰。俛視。見。漠。渤。半夜。天雞鳴。日照蓬萊闕。西墀。秘廡。
巖天池。神龍穴。危磴。干雲霄。複嶂。隱日月。南。墀。益。嶽。

林麓互翳蔚仙花。晝續紛鐘聲暮。超忽北埤覆宿堆。古
栢枝鬱屈一氣俯。大荒化城時滅沒。中臺萬仞餘削成。
表崒呶下方。走雷雨陰崖。纏虹霓。灣濶太華池。竚窳珊
瑚碧。君攜綠玉杖。茲遊恣探歷。四月別薊門。青青坡陀
麥。五月渡滹沱。襍穢觸日赤。遂登清涼臺。結夏在絕壁。
跣腳踏層冰。山風冷心魄。余本巖棲人。頗愛謝公屐。失
足辭故山。留滯京華陌。逸興坐飛翻。送君徒倚撫頰君。

語山靈後期儻來覲

格奇劍在
往見警策

幽宵劊削奇氣滿紙此題余欲下筆讀先生作
遂爾氣盡所見惟赤方一首差頽頽也 其年

送梅耨長遊西山

青門旅豪卷一

九

西山青突兀連蜷。都城傷馬首。見空翠欲往。神飛揚羨
君。遂幽討朋侶。行相將攀躋。詎一境勝事難。具詳我聞
西山寺。香火多中璫。刑餘竊威福。紺碧爭輝煌。塚墓何
嶙峋。石獸夾道旁。朽骨噉猫貉。象教託空王。豈徒供歷
覽。良足驗興亡。諸陵接天壽。想像雲氣荒。紅牆白頓擗。
黃瓦頽清霜。牛角礪斷碣。松飈激笙簧。潭柘古靈湫。其
下有龍藏。至今餘龍子。蜿蜒出僧房。君見當再拜。神物
非荒唐。或能致霖雨。慰此蒼生望。不似南山蛟。拔木摧
巒岡。殘雪洞壑淨。飛花澗泉香。嬋娟春山秀。黛碧澄湖
光。冥搜窮雕鑿。覽跡餘慨慷。得句儻見貽。珍比璆琳瑯。

筆勢放縱實天
之奇作 水修

送毛月山遊黃州

愁眼看春去。它鄉又送行。黃雲薊門路。落日大江聲。野

堠殘花晚。蒲帆乳燕輕。經過憑弔處。赤壁至今名。起語 愁絕

我來君又歸。相送一沾衣。孤騎桑乾雨。千邨棗葉肥。不

須嗟失路。且得慰親闈。似爾才終達。寧容訪釣磯。

和葉九來憶鶴詩

玉山人偶出山。惆悵仙禽隔。縱嶺月明清。暖夢中聞

松花滿。逕松風冷。不似人 世語

青門旅槩卷一

十

題畫

一峰兩峰落日。千樹萬樹秋聲。仄逕惟餘磨跡。空林似

有人行。

都門旗亭讌集贈別豹人赤方蒼水諸子

薊門四月飛絮稀。火齊纍纍櫻桃肥。客中相見不得意。

數錢壓酒思妖姬。旗亭紅欄臨紫陌。繡轂銀鞍爭絡繹。

挾瑟經過趙李徒。鳴騶雜遝金張客。我曹蹙蹙騎驢來。

狂談各詡文章伯。春葱碎雪紛鸞刀。玉壺送酒金盤炙。

嬌歌豔舞揚蜚蜚。織羯鼓短簫亂箏拍。酒酣樂極客思哀。

燕王高臺安在哉。離宮別館遍苜蓿。鴛鴦同阜爭黃埃。

聞道豐臺好芍藥。前日繁花今日落。君且莫碎別洪漿。
我亦休擊燕市筇。紅顏青春同可憐。當歌肯負深盃綠。
明日東西南北人。馬蹄踏踏車輓輓。通體蒼秀

和阮亭先生雨後西郭眺望見懷之作次青

西郭過微雨。千峰洗更青。悵君成獨往。相憶騎徐停。密
葉涼衣袂。殘花明渚汀。城中車馬客。日暮塵冥冥。

五六極似許渾佳語

雨後出西郭懷冰修子湘耦長王士禛

小雨高梁外。川原如乍經。浦烟天水碧。山色佛頭
青。心賞違朋好。孤懷託杳冥。何時玉泉路。吟上望

青門旅橐卷一

湖亭

平湖鮑聲來持汪鈍翁先生書索題草庭

京師刺促廡下居。鮑子晨訪過我廬。手持一幅草庭記。
袖出寸札鈍翁書。要我更吟草庭句。我思蹇澀才麤疎。
聞子卜築當湖曲。玻璃澄碧開雙壚。小山玲瓏石嶮崿。
雜樹桃梅桐栢欄。松青藤紫互婁絡。蚪龍甲鬣森騰拏。
讀書養親百不惡。盤有贛栗譽有魚。如此菟裘自足羨。
安能蹙躓京華驢。我有草堂國山北。枯楂秃樹臨清渠。
還君詩卷坐歎息。青門三徑今何如。結意合是如此

李行呈閣學李容齋先生

君不見茶陵李文正四齡召對坐帝膝手勦沆瀣握斗
杓沙堤築成頭正黑又不見北地李夢陽騰掀蹀躞雄
詞場金鳩擘天龍戲海流傳光燄森開張二子炬今百
餘蟻蟠根逞逞傳仙李文采風流繼者誰合肥先生今
父子先生二十登承明掣虬鬚鳳騎麒麟三十致位已
卿相說經螭陛何嶙峋珊瑚筆裁綠綈詔色絲繡補山
龍紋才力扛鼎料誰敵文思湧潮如有神跳盪已刺鞞
蘇壘鞭扶不數齊梁塵驥子今年纔十六一日玉堂聲
遠遶鳳毛麟角自崢嶸汗血龍文肯踟躕同時安得兩
璧人帽側宮花映紅玉先生愛士絕代希成蹊桃李陰
萋萋譬如扁跣畜藥籠芝砂搜勃敗鼓皮又如般倅萃
梓杞不棄輪囷與離奇江南賤士獨偃蹇霜花侵髭布
袍短泝澗空能說不龜候鳴未免爭蛩蟻屢干羊陟豈
悠悠願識荊州心纂纂長安五月薰風涼海榴刺天梔
子香此時休澣一歸邱履箱塵尾爭輝光前擁生徒後
絲竹可許彭宣到後堂

五月十七日喜聞諸公同官翰林賦贈五十韻

有敘

康熙十八年詔舉博學鴻詞海內之士應詔集闕下
者百餘人

上親試之得五十人悉命官翰林纂修明史蓋異數也

與余雅故者施愚山閻章汪鈍翁琬秦對巖松齡錢
宮聲中諧曹峩帽禾喬石林萊李子德因篤陳其年
維崧毛大可奇齡朱竹垞彝尊汪舟次楫嚴孫友繩
孫徐勝力嘉炎潘次耕耒李渭清澄中方渭仁象瑛
周雅楫清原暨家戒三遠平

泰華因培塿涓流赴溟渤鳳翮儀高岡麟游以時出聖
朝棟梁具峩峩臯與尚更閩闔門典搜剔遍巖穴博學
鴻詞士有詔徵詣闕奏賦太和殿金石殷摩憂清越諧
璆琳鏡鏤詎蟻蝓三相驗討論天子親甲乙拔尤五
十人一一枚馬列維時月在臯旣望越二日喧喧下明

青門旅橐卷一

七

詔並命登禁闈冢宰持故事聖恩特超越嗚珮翔鳳池
排風羨毛質我方客京華枯兀類株檠庶下新僦居畏
熱脫巾襪當食聞除書驚喜失噢喲同時諸君子與我
半膠漆故歡諧縞紵提攜愧先達新交紉蘭蒨推挽比
蚩蹙亦有吾宗賢飛轡偶時詰羣公旣彙征吾賤亦摩
豁此舉良曠典盛事久雍闕科名束縛人如驥就銜鐵
奇士苦攣拘平流得津筏嘉祐舉制科得士惟軾轍三
等占久虛何況二與一浩蕩蒙殊恩公等安惕怵比聞
啓史局行紉金鎖繡茲事誠大難煌煌鉅著述餘子何
足云擘壽頰排訐龍門扶風後廬陵庶頡頏發凡及起

例鄭重非瑣簡前明三百年人事凡六七文皇靖難師
志臣慘刺剝遜國諸名賢姓氏半磨滅興獻議大禮杖
戍空肉血三案益紛拏賢姦慎剖別嗚呼鎮撫獄清流
離羅罽閣寺內竈燭盜賊外潢決民窮賦歛繁遂令國
步蹶思陵死社稷中外多仗節褒忠自聖朝闡幽待特
筆此皆關治亂件繫宏縷悉微辭或隱顯義例嚴捕截
我學愧雕蟲我生類蠓蟻詎能生羽毛行當返蓬蓽東
澗躬枯槁南咀茹薇蕨茅簷日偃仰簡編事緡閱庶人
豈敢議草野有公雋努力期諸公千秋光史帙

朝章國故上下三百年具於尺幅長篇敘事
直逼少陵如此杰作可但云餘事作詩人耶

青門旅棗卷一

古

此等詩大有關係不
當作韻語讀

愚山

陳其年贈余兩額行戲爲狂歌終之時余將有梁
齊之遊

我額于思君額戟君才八斗我一呷兩額才調大殊科
兩額意氣特膠漆燕京二月尾雪片飛鷺翎客中一相
見握手眼爲青君吟兩額行調我得歸且躬耕我吟與
君異狂歌磊落君試聽我昔年十五充賦鄉國賓三上
不見收蹭蹬長跋踈中離罽羅鍛羽翮負薪牧豕荒湖
濱男兒墮地自卓犖便欲揮斥九州凌五嶽安能鬱鬱
菰蘆中槁項低頭把鉏耰翩然賦遠遊被褐來京洛紫

宮閣道高峩峩。九關虎豹千門鑰。東華軒騎如遊龍。獨
向東華躡芒屨。屨出從嚴馬諸君遊。醉狎金張五侯。詭詼
諧嘯傲公卿。閉冷飭殘。孟亦不惡。桑乾九月木葉黃。我
思跨驢尋嵩陽。太室少室相低昂。三十六峯雲蒼蒼。緱
山仙人行相逢。吹笙騎鶴聊徜徉。又欲迴鞭東到海。蓬
萊三山至今在。之采不其青。峩峩安期海上遙相待。逕
須鞭叱海若驅蛟蜃。變化丹樓十二霏霞彩。平生幾兩
展汗漫十載遊。然後歸去來。散髮臥滄洲。蒔藥釀酒養
鳧鴈。無功子光可以終優游。君罷吟聽我謳升沉有命
我不愁。公輩自畫鳳尾諾我歸。卽披羊皮裘。雄飛雌伏。

青門旅橐卷一

五

何足道。兩頽要是爭千秋。

意氣傲兀。覺茂秦百
穀終非俊物。冰修

變化天嬌。有作其麟之而狀直。
使青蓮却步。昌黎失色。其年

附 兩頽行贈子湘

陳維崧

我頽冗似綠坡竹。君頽捲若蝟毛。磔兩頽意外。一
握手熟視無端笑。啞啞家鄉流浪不見面。見面方

在長安陌。感激激聊爲肝膽言。謹厖互詡文章伯。憶

昔蘭陵數鄒許士董文友賤子結交真莫逆。可憐

爲人好心事。拉我談詩妙。風格花天同。領百罰。懷

月地共枕千人石。鶯管三更每換吹。鴉絃半撥偏

低。擘一尺紅衫。不自惜。鼠向柁中裹魚炙。故將惡

語惱蠻腰要使春暈微赤邇來踪跡頓錯落常
日歡娛太狼籍晚歲交君才更健出手壓倒羣兒
百詞場虎跳或龍掀筆陣銀鈎兼鐵畫長安雪片
大如蓆我今誤作長安客底事青門淡蕩人也挽
馬慟隨老革君家水上幾閒閣君家烟際一區宅
哇訖登足媚盤餐園菓麤能恆盤榻意噉噉得歸
且種東邨麥

附 戲題兩韻行後贈其年子湘 王士禛

楚王宴章華乃以長鬣相彼鬣有何好霸國用自
壯平生交兩韻于思不相讓絕倫陳魁梧軼羣邵
跌宕昨見兩韻行驟然忽神王士龍能笑不吾韻
幸無恙

己未七月初度遣懷二首

青門旅橐卷一

六

屈指忽成笑蹉跎四十三秋風易水北客夢大江南何
日歸三逕殘書老一龕浪遊有底急短髮漸髮

二

舊歲逢今日親朋笑語同東軒過疎雨屋角洗高桐泥
客碧筍飲開簾黃雀風茲辰坐愁寂覓句獨書空

二詩疎婉
有風致

月夜冰修耦長偕過阮亭先生寓齋同阮亭作三

西山烟欲歛。暝色靄城闕。愛君高館秋。疎梧得新月。入
門成一笑。翛然釋巾鞵。徙倚生夜涼。坐聞鄰鐘發。

星稀天宇清。青葉重露華。白苕藻漾空。除砌蟲俄喧。寂
談雜仙鬼。清話探史籍。長安車馬地。詎有此至客。

旅人念歸趣。憂心屢斷續。坐久似吾廬。清光漏疎竹。單
衿覺夜深。冷泠露氣肅。幽尋未厭頻。往來數能熟。

清露晨流新桐乍引詩
致乃爾濯濯

愚山

青門旅藁卷一

七

附 月夜喜水修子湘耦長科跣見過 王士禛

舉頭新月佳。開軒滅明燭。流螢稍開闕。風露下疎
竹。素心二三子。比鄰往來熟。漢陰無主賓。何用加

憤屋

袞袞九衢中。未少噉名客。老懶倦逢迎。寧當較尋
尺。高齋時臥病。河漢忽已夕。綠蘚被階生。幽人見

行迹

聽君談劔術。四座輒色變。青天走風雨。虛堂激雷
電。香丸合雄雌。太乙經百鍊。勿快睚眦讐。應侯古

所賤 水修談劔術甚奇

月夜起坐懷顧赤方

梧葉響空階。颯颯疑疎雨。羈人起披衣。斜月照軒戶。秋風千里來。所思隔湘浦。

阮亭以詩索耦長畫次韻

漁洋山人老好事。新詩乞寫敬亭秋。關情我亦江南客。紅樹青山一小樓。

附 初秋索耦長畫

王士禛

詩到無聲足臥遊。雨窗含墨對清秋。不知鄉思今多少。祇寫澄江與北樓。

地震詩戲倣昌黎體

青門旅彙卷一

六

歲在己未斗指申。月之廿八朝日曛。京師地震駭厥聞。

初如地底雷砢礧。又如轆轤萬車輪。自西北來東南奔。

頃刻簸蕩搖乾坤。雷碾菰撒屋瓦翻。市聲呀咻揚囂塵。

叫號觸突踣以顛。車仆馬蹶欹輻輳。拉擺大廈摧高垣。

礫塊揚箕天晝昏。構榭采棟楹椳杵。顛倒填塞衢巷堦。

百雉頓蹋崩門闕。九廟鴟吻墮蟠蛇。駢脅折脰髀骨麟。

死者纍纍三千人。通州三河嗟可憐。十斃八九離。澶洹。

腐屍敗背腥闐闐。半籍以藁就櫛棺。地坼水湧黑且渾。

翁媪失足埋尻臀。一月不止餘威殫。都人怖駭遺臥眠。

白板露宿帷幕藩。訛火亟興憂燎燔。反灰伏煤晨不餐。

我時幸免溝壑填我僕碎首面血殷徐令巫咸返驚魂
一夜數徙拊膺歎康回憑怒古所傳不周山頽淫水齋
女媧奠之斷鼇跟承以八柱維脈安三千六百軸鉤連
四遊上下無崩騫胡爾顛踣生禍患恐是柱折羣軸掀
地祇失職愁煩寃乘雲上謁欲有言闢者拒關電目噴
搏人虎豹露齶齧趁起恐縮遠伏蹇嗟爾地祇徒汎瀾
我詩踏皎頗不偷怪語自嬉聊復吞

撫昌黎陸渾山火之作工力悉敵未幅語味含蓄似爲過之

愚山侍講分貽敬亭綠雪茶和阮亭作

荆溪產芥茗梁溪出清泉兩美易合併溪路相沿緣艸

青門旅橐卷一

九

堂穀雨過桐陰漾清圓槍旗初脫焙蟹眼活火煎野夫
倦著書石榻酣晝眠睡足驚松濤湘簾颺微煙細啜來
清風兩腋輕欲旋無事偶浪出一年客幽燕僖父酪奴
賤朱門潼乳膾彊飲如茹藥棘吻仍澀咽窮秋三日雨
檐溜鳴潺潺渴喉正鼓嚙夢想還家山詩翁走長鬚綠
雪餉不慳澄碧汎哥定芳香襲蘭荃頓令宣城價突過
陽羨前漁洋好事者題詩緘素箋鼻兀得妥帖奇句供
流傳且啜且復哦應核苦不閑顧我才謏劣險韻愁雕
鐫我自用法牽率成詩篇

細意擬帖雅健絕倫

將之登州畱別阮亭愚山兩先生冰修其年耦長

諸子

一年客京華。結交多老輩。僦屋短牆連。論詩古人配。歷
下自雄長。泱泱表齊大。阮亭宛陵正體裁。驚喜漢儀在。

愚山

卓犖元龍豪。

其年

清新都官派。

耜長

士衡出菰蘆。

賦筆老未憊。

冰修

數公狎齊盟。我邦陋曹鄴。又如十萬

師。連營耀旌旆。勅者皆吾敵。堅壁幸不敗。長安豪俠窟。
歌舞日高會。我曹文字飲。好尚與時背。過從忘主賓。詠
調寡拘閔。露坐每宵分。茗柯閒清話。疎櫂新月漏。屋角
秋河挂。得句忽狂呼。快若爪爬疥。茲樂固難常。不謂遽
行邁。行行指海壖。黃腫古秦界。我聞丹崖山。俯瞰滄溟

青門旅橐卷一

三

滙島巉錯。其中日月不在外。祖洲青蒼茫。之杲紅破碎。
半夜六赤龍。騰擲洪濤內。蜃氣吐宮闕。金銀幻詭怪。嗜
奇如嗜炙。大嚼亦良快。但惜素心違。老淚雨如頰。臨發
重徘徊。離筵增噦噫。竹帛與名山。諸君幸自愛。

附 送子湘之登州

施閏章

尚白

故人去何亟。老淚紛如霰。黃菊酒盈尊。分手罷芳

宴。昔別在蘭陵。此會在京縣。平生憚貴遊。涕笑孰

寔賤。共坐藤陰下。袒跣把書卷。闕月夜敲門。貽詩

朝滿扇。掀顛意飛動。隔巷數相見。歎子青雲士。生

涯守一研。不種東陵瓜。不求文舉薦。縫掖多塵埃。

西南旋轉戰側聞賢使君折柬招才彥郡閣臨蓬萊海日盪人面仙都連十洲屢市駭百變訪我舊題處壘瀋丹崖徧奮筆紀後遊當使蛟龍纏

又 王士禎 始上

我聞大九州香海環其外禪海內絡之萬川勢交匯禹貢周職方中央浮芥帶鄒衍不可作疇與辨茫昧昔者始皇帝東巡極海岱海神駕橋梁大魚射澎湃號爲秦東門刻石表胸界三山在水下其事頗奇怪邵生列仙儒遠遊信所屆遙飛阜鄉舄往撫天吳背龍躋陵丹崖九點烟凝黛嶄絕日主

青門旅橐卷一

五

祠覓與之杲對日月影動播島嶼光破碎朝潮激天輪夕汐裂地肺巨鯨若連山奮鬣雲晝晦時見新羅船墨點空青內廣乘渺何所歸墟誰負戴木張悉文雄頽才更十倍歸來述滄溟始信九州大

又

大奇齡 大可 各姓

商風吹蘿裳朝服青兕裘有友聞雞號使劍之東牟前行望海水漭漭日夜浮中有蓬萊山南下接祖洲高丘試一登軼興波濤流趨咨東海相慷慨

吾舊遊計日受官俸幕下如清秋多君策馬去珠篋不暗投第憐神芝生雜入菰草稠暇時得過採

移擢君房舟歸來獻天子厥頌雲油油遂將紀功
德勒石寧海頭司馬進掌故發冊臨之罟橫筆掃
石閒顧盼凌九州

又

陳維崧

其年

我生大言好誌怪耻逐衆口爭嘔啞壯遊恨不東
到海蜃縮偪塞徒搔爬此州相傳大謠詭洪濤百
斛蟠龍蝦澄鮮忽嵌小黑豆此是真臘新羅槎日
主祠堆紅破碎之翠山蠹青麤筆混茫一氣雷雨
晦夜半已擲金蝦蟆我坐一官去不得頭童尾禿
翅觮沙誰何男子極豪橫徑縛短袴挽馬撾我聞

青門旅藁卷一

三

祖州富仙藥芝菌往往霑麈麈君行儻值海市出
定現幢蓋交紛竿爲余一語問徐福別來已久應
還家五百童女果安在可還顏色嬌如花詩成自
覺棘口吻恐以妄誕遭喧喧登州太守
譚舟石
吉璉我
好友鰻魚對噉開官衙把詩狂叫定絕倒颯颯驚
亂城樓鴉

又

梅堯處

精長

幽州淡白日易水多悲風吹簫屠狗竟安在蓬蒿
欲沒燕昭宮黃金漫低壯士色余歌汝和差能雄

朝過孝伯家
王阮亭
侍讀暮醉肩吾宅
施愚山
侍講葡萄夜

綠月光白照見狂吟同岸憤羣雄相值頗相惜接
手輸心肯虛擲詆訶季緒何足云嘲笑叅軍還作
劇一日歡呼定幾回暑雨嚴宸都不隔我夢東吳
未得還重愁送遠彤朱顏君今別我東牟去海風
吹度之罘山金銀樓閣出仙島雲霞變滅須臾閒
此去蓬萊幾千里對面天涯自茲始登高明日苦
難畱臨岐泪落金樽裏君昔愛我歌歌出聲還吞
羨藜交路衢酒肉堆朱門蛾眉曼睩亦徒爾宿瘳
時復當至尊身世浮雲柳能料但恨分攜失同調
好向官齋啖鰾魚余亦東歸且垂釣

青門旅橐卷一

五

又

陸嘉淑 水修

都城衰柳送行幃應笑歸程我尚淹雞肋豈容遊
子戀豬肝空挫昔人廉么絃絕響悲同調殘局推
枰好覆奩努力馳驅君自愛憐余霜雪遍枯顛
零文秃筆一丘埋蚤悔雕蟲意轉乖茅屋天寒羞
翠裏漢宮人老賤瑤釵悲君壯盛長爲客似我飄
零孰與儕此去儻能尋海市魚龍鞭螫可應諧
吳苑霜酣萬樹柑五湖秋盡水猶藍故鄉佳處皆
江外詩集何煩紀劒南節序明朝正重九客徑遙
數頁千二也應自爲神芝去丹訣攜來試共參

山川十二阻齊郊東盡蓬萊地勢散舊蹟時移悲
弔古才人吏隱好論交川橫島沒無龍戰羸政臺
空有燕巢知爾燕聞多唱和郵筒詩句待頻鈔
重九前一日將送青門友兄之登州適得晦水寄
詩輒和其韻晦水題紙尾自詭非子瞻不當作非
半山不能讀余才不及晦水而青門當不遜半山
讀罷知爲飄然也試以呈舟石太守左羽孝廉嘉
淑又跋

白溝河懷古

中分遼宋指河壩。劃斷燕雲朔漠邊。棄地至今羞石晉。

青門旅橐卷一

十四

許和當日誤澶淵。壕低野馬黃雲合。天入盧龍紫塞連。
南北一家今已久。三關何處起寒烟。

重過趙北口小憩

高柳湖堤岸重來。眼倍明柴扉。維舴艋水泊亂鷄鶩。大
有江南景。悠然濠濮情。歇鞍欹枕久。來往笑勞生。

鷄鳴曲

寒鷄膈膊夜纔半。逆旅挑燈起相喚。槽頭羸馬嘶殘。忽
堦下。僕夫嚴韞鞞。出門十里天未明。空陂月落人語聲。
東方睽睽星一箇。前行後行聞鐸鈴。

是張王樂府作境

蓬萊閣望海

我來一踟躕。蓬萊閣。溟濶高寒。島嶼秋元氣。蒼茫日月浴。
青天出沒蛟螭遊。田橫五百餘荒砦。徐市三千隔祖洲。
縹緲神山不可見。天風萬里聲颼颼。

詩亦覺一氣渾茫吞吐萬象不負此題

冬夜遣悶效黃山谷

孤城索寞歲崢嶸。擦悶攤書坐短檠。紙屋撼風聲四壁。
海濤喧枕夜三更。故山儘可足藜藿。官舍近來飽羈蹙。
石暈木癭真自悔。絆人何物是浮名。

臘月廿四夜口號

臘月今朝二十四。吳儂風俗憶江南。掃罷屋塵祭罷竈。

青門旅橐卷一

五

長竿縛炬照田蠶

己未登州除夜二首

去年除夜東阿縣。今夜登州歲又除。四十三年成底事。
二千里外少來書。錫櫟椒盤非故國。紅梅翠竹憶吾廬。
漸星短髮不快意。笠澤春波有釣車。

二

雪屋風鐙牟子國。青鞵布襪又年新城空。海氣腥蛟蜃。

歲晚官厨足介鱗。膾有棲鴉驚炬火。更無瘠僕伴吟身。

一俟時 遣歸 守歲圍爐小兒女料應絮語未歸人

雙白松為房慎庵侍御賦

雙松偃蓋接空祠。黛碧尋常獨爾奇。簡寂觀前殘雪後。
天台橋畔月明時。對舞玉蚪寒自照。分栖白鶴曉還疑。
蘭臺霜色原如許。曾見參天梁棟宜。

韻聯神韻高
秀詠物上藥

東臯山房試茶歌

新蕉展葉荷始葩。東臯水木涵清華。圻籜叢篁走鸞鳳。
蔽牛古樹攢槎枒。百頃風潭蹙霧縠。一澗畧約橫枯楂。
東臯主人

楊端木

雅好事。三人不速賓。殊嘉

曹二隱胡芋莊先至餅

壘滿注。惠山乳石銚。試煎陽羨茶。棋盤紗帽皆絕品。蒨
籠封裏來僧家。颯颯蟹眼濤聲細。彭豕腹松烟斜互。
興砂注。跳珠沫定州。磁甌飛雪花。腋輕欲隨列子御背。

青門旅棗卷一

五

瘡不用麻姑爬。團鳳小龍祇虛語。日鑄雙井何足夸。旋
出餛飩佐杯斝。鹽豉筍簌羅鮭鯪。我雖不飲喜看客觥
船錯落爭謹誦。僻徵新令浮一斗。雕鏤險句矜八又須
史林壑淨暝色。城頭啞啞亂棲鴉。歸來清景疑夢寐。作
詩急追逸磨靡。蒼蠅聲出蚯蚓竅。詩成街鼓聞三擗。

正是玉局勝場

作客

作客動經歲。還家纔半年。故園花發候。又上廣陵船。楊
柳津橋暗。鱗鯉曉市鮮。客愁正無那。陶寫只詩篇。

雨泊露筋祠

召伯埭。下雨如絲。貞女祠邊繫纜時。萋萋碧草歸人晚。
森森空湖。去鳥遲。水面人家浮鴈鷺。灣頭艇子立鷓鴣。
風扉破壁。淒涼甚。扶展還來問古碑。

寒食宿遷道中雨

下相城邊路。春陰困馬蹄。直愁泥滑滑。翻惜草萋萋。雨
挾河聲壯。天圍野望低。故園淒絕處。荒塚濕棠梨。

鄒縣道中喜晴

已過一百五。何曾十日晴。今朝風日美。客路眼真明。侵
徑野花麗。隔林鳥語清。嶧山春望好。空翠馬頭生。

五言律直是
格韻高絕

青門旅橐卷一

七

經下邳偶書卽目

驅馬古下邳。川原歷遊日。屋角桃花明。河上烟帆宿。牧
豕散荒塍。棲鷄上茆屋。不見圯橋人。悠悠淮水綠。

若非一結便
覺境語都近

任城太白酒樓歌 有序

太白樓卽濟寧東南城樓。上有碑記云。相傳賀知章
令任城。觴白於此。樓因以名。誤也。按史。李白客任城。

與孔巢父韓準裴政張叔明陶沔居徂徠山。日沈飲
號竹溪六逸。樓當是其遺蹟。知章亦無令任城事。詩

以正之。

十日九日春風顛十村九村桃花鮮客行雖苦差
不惡日斜歇馬任城邊任城高樓對芳樹相傳太
白昔遊處當時六逸隱徂徠少年作達酣馳暉往
往登樓弄杯醖當窗萬里天風迴嶧鳧列作鷓鴣
杓南湖便醖葡萄醉偶然縈雲去謁帝遊蓬萊却
逢四明客呼作謫仙才孔韓裴張各雲散此閒陳
跡空蒿萊杜陵野老亦到此南池森木荒清池
城下卽古南池杜甫與許主簿遊處我來弔古已千年殘
碑謬誤聊追爾樓中不見古時人樓下仍流古時
水回首望泰山一氣青鬃鬣金泥玉檢俱塵埃七
十二君復誰在落日沉吟動客愁城樹漠漠春烟
浮行路誰知我

青門旅藁卷一

心憂徘徊愴惻涕橫流君不見李白杜甫雄壓百代終
荒圻何況擾擾螻螻與蚍蜉明朝匹馬更北去且脫鸚
裘付酒樓嶽崙歷落故應是我輩語

送友之鹽亭令

黃綬初爲劍外行蠶叢萬里引雙旌雲開曲曲巴江字
樹暗邛邛杜宇聲擁縣山青馬首合杜詩馬首見鹽亭高山縣縣青行
春麥秀雉媒驚陳公遺蹟今存不石柱青苔弔古情

送友之莆田令二首

青袍汀草色烏石山名縣門前梨嶺稀秋鴈聞灘激紙
船鈎輶千嶂雨橘柚萬家烟自識訟庭暇清音山水絃

二
聞道閩中好之官亦勝遊雲開越王石山擁謝公樓榕
樹冬能碧菊花寒始稠扁舟或乘輿應爲荔支謀

哭施愚山先生十韻

作者今誰是先生尚典型詞源滌根柢才力赴滄溟一
代高廚俊千秋孰尹邢金門方朔米玄草子雲亭逝矣
悲棲鵬潸然泣聚螢風吹易水白雲斷敬亭青素慢行
當返窮交涕獨零死慚磨鏡具生愧扣鐘筵身後柅譚
論心傷有道銘便應焚筆硯絃絕爲誰聽

送黃枚公進士南歸

青門旅橐卷一

完

他鄉送客難爲別况送君歸是故鄉木落蘆溝看去鴈
月明瓜步冷新霜不緣徇監稱詞賦遂有鴻冥興杳茫
叢菊東籬秋正好因君夢繞豆花莊

九日贈別家二峰

前年歷下題糕句今歲燕山對酒盃六度重陽頰旅食
白年霜鬢幾登臺他鄉骨肉轉難別客路砧鴻總易哀
政馬送君增悵望叢叢野菊近人開

寄壽汪鈍翁先生三首

文章載道器詎曰小伎爲作者通紛綸六經乃根荄根
蠹華不實枝葉徒葳蕤詰匠亦代出寥寥知者稀先生

探道要起衰託修辭貫穿經史與知獲先民遺高談愼
許可得失了不疑毘陵震川後代興諒在茲

一結鄭重鈍翁
可不愧此詩

二

代興屬清時藉君繼良史郎署三十年晚登金華陞日
給上方札月分太倉米石室紉藏書是非浩烟海隻字
嚴褒譏議論羞散靴大匠斤成風他人或血指龍性詎
易馴掉頭乃脫屣一夕秋風生冥鴻已千里

三

鴻騫全高尚結構堯峰巔鑿牖面蒼翠開簾映紅泉雪

青門旅彙卷一

三

水流寒澗梅花澹空山山中有喬松偃蓋何亭亭其上
縈兔絲其下產茯苓土肪闕玉腴怪若鳥獸形青冥儻
可斲持此奉延齡

雪水沁寒澗梅花澹空
山十字足爲鈍翁寫照

癸亥都門除夜

前年除夜楊劉店荒鷄喔咿短檠談舊年除夜還家園
挽鬢繞膝歡團闌今年重作長安客獸炭紅爐又除夕
長安同舍多少年捲波拍浮呼五白顧我老懶百不作
捫鬚微吟坐倚壁過年卽辦五嶽裝半生會著幾兩屐
來歲漸少去歲多百年疆半客中過

祭酒王阮亭先生招金穀似吳天章陶紫筇張杞

南同集用夜闌更秉燭韻分得闌字

玉河柳初暗。金隄花欲繁。春色來西山。千里青巒峴。客
意方鬱陶。坐令愁疾攢。幸登君子堂。賞心愜清歡。罍淨
玉蛆白。筋香梅菹酸。文酒競慇懃。畢景興未闌。九衢冠
蓋地。茲會良獨難。泥飲三百巡。剪燭弄舩翰。欣逢郢斤
斲。寧慚蠅翼漫。

丁鴈水觀察捧表入賀卽贈別還虔南

仗簇臚句引漢官。朝回笳鼓發長安。玉函金鏡千秋節。
畫舸朱旂十八灘。過雨沙洲魚子白。到時官舍佛桑丹。
鬱孤臺上江光好。詞客何人共倚闌。

青門旅棗卷一

三

題龔節孫種橘圖

有序

東坡云吾性好種植能手自接果木尤好栽橘陽美
在洞庭上柑橘栽至易得欲買一小園種三百本屈
原作橘頌吾園若成當作亭以楚頌名之然東坡園
與亭竟未就也龔子節孫移居陽美仿此意繪圖乞
名人詩詞盈帙矣又屬余題請至六七不厭余感其
意爲賦長句書冊子尾還之

種橘圖詩緘兩軸展讀璀璨堆瓊珠我病廢吟動經月

彊拈枯筆思顛蘇此翁竄謫走萬里惠廉儋耳身歸孤

薰鼠燒蝙蝠食諸芋十日五日慳花豬

用東坡詩語

投老買田

在陽美便儼種橘三百株沈吟茲願竟未果楚頌荒亭
今有無龔牛慕之雅好事種橘未成先作圖蟹素一尺
開生面皎皎玉立雙清噓翠羽金丸紛點綴鬚髻阿段
手把鋤君言此景殊不惡蓋頭茆把客雙趺吁嗟百年
鳥過日芻狗擾擾爭遽廬畫圖似真真幻耳顛倒蕉鹿
供椰榆我家亦在洞庭上玻瓈萬頃青銅鋪兩山十月
霜落後火齊亂迸綠雲扶林閒飽啜三百顆酸寒不美
櫛梨櫨湖山如此長作客額蘇掀額笑我愚卷圖還君
清興發明年歸去不待秋風鱸

典會
聽舉

張魯菴水部招飲一畝居羣賢畢集斐然有作四

青門旅橐卷一

三

首

我病索居久招尋有數君名流煩折柬水部況能文散
帙烏皮几臨池白練裙淹留歡竟日屋角靄餘曛

二

坐愛林泉勝爲園一畝餘燈危仍綴菊澗仄亦遊魚老
樹侵霜禿寒藤挂石疎到來幽興極誰更憶吾廬

三

此會帝京少故人蒼鬢多醉醒渾感慨出處各蹉跎味
憶汀鱗存孟行鸚鵡累酒酣誰斫地吾亦欲悲歌

四

華燈高樹亂石氣晚來青正喜看人飲誰言愛獨醒肺
病止酒一統如急街鼓櫛際睽寒星明日還來過新詩許更

聽

京邸招集諸子送家樾公歸武林用東坡昨夜風

月清夢到西湖上爲韻得十絕句

虎阜花月天鴛湖文酒約屈指廿年前風流已成昨
盛事帝城偏名流鄴中亞金釭搖玉波樺燭銷永夜
凍螿滄州酒清宵碣石鴻怪來霜氣薄春入舞帚風
座客醉復醒絲竹倦還歇人影散空除一片西山月
寒深城漏斷霜白月華清聽盡何處曲尊前過雁聲

青門旅藁卷一

三

久聚自成歡愴離翻似夢惆悵呵成歸慙慙此相送
冰稜滑馬蹶雪花壓檐帽客程三千二君行幾時到
我已越鄉久思歸路欲迷憑君將旅夢一夜五湖西
來因趨鯉對去惜唱驪駒今夜蘆溝月相思滿聖湖
君家輞川園正在西湖上試訪孤山梅歸時花已放

題豫章東湖圖二首

看畫識東湖記得曾遊處綠樹暗紅橋幽尋從此去

煙外轟紅亭煙中飛屬玉不見灌園翁菜甲秋風綠

爲亭

蘇雲卿
遺蹟

送孫編修使安南

春明柳色送驪駒。獵獵米旂曉渡瀘。百粵已看來翡翠。
九真應自貢珊瑚。荒城夜暗恍椰雨。古堠春深格磔呼。
四海車書今日事。歸來玉會有新圖。

詹事高澹人先生以蔬香圖卷于屬題卷中尚關

六言爲補此體四首

菜甲融泥猶濕葵根滴露初晴。先生攜鋤蚤出野翠欲
上人衣。

白白。礎芽春蚤。青青。瓠葉秋殘。提筐自呼阿段菜把不
待園官。

青門旅橐卷一

語

使君不妨鉏菜宰相亦住山中閑。卻和羹好手品題春
韭冬菘。

七人四

新築鴛鴦湖。西舊業鳳凰山。鳩結鄰可許。閑人儂是青
門老圃。

重輓愚山先生八絕句

以下追錄

楚些高吟清淚瀧。故人零落意難降。爲條何限山陽恨
秋雨。秋雨滿客廳。

春四二

八子駢驪重國門暮年詞賦益騰騫建安風調開元格
身後何人得細論

三

傳經齊魯已陳蹤。稷下誰凭講席重。山色自憐華不注。
清秋依舊削芙蓉。

四

臨江江岸倚愚樓。遺愛羊公片石留。祗今閣皂山頭月。
還照江聲鳴咽流。

愚樓公觀察
湖西時建

五

憶從京邸接簪裾。茗椀詩筒下直餘。腹痛玉河橋畔路。

青門旅棗卷一

三

不教三步已回車。

六

前年雜傳出天中。嵩少題名處處逢。三十六峰青不斷。
不知笙鶴定何峰。

七

墊角林宗見典型。顧廚屈指已晨星。天涯大有窮交淚。
灑向秋風濕敬亭。

八

丹旄飄飄下潞河。白冠易水自寒波。江南薊北三千里。
落水啼螿一路多。

愚山人品最高不獨以文章重讀此一過老淚
潸然詩亦酷似愚山想見盛唐風調 漫堂

後苦熱行 客京師作

赤帝起鞭六赤龍炎官火熾張常空原燎噴薄何彤彤
區宇鬱煙如甑中長安毒淫增煩忡歎陽翁熱蒸簾櫳
層水山堆不快意平頭大扇嫌纖風長安客舍百不作
箕踞科頭竟日坐水晶盤浸葡萄空碼碯沉水李大
拍浮肯顧尚書期礮礮只愁熱客過忽憶前年當六月
匡山絕頂涼飈發谷底長松激翠濤半天瀑布吹飛雪
夢飛不到五老峰玉峽簾泉勞結惰我家舊住東湖邊
莫釐縹緲青刺天玻黎千頃風清漣吳娃蕩槳嬌采蓮
青門旅橐卷一 美

慈仁寺古松歌

前年屢慙慈仁寺古松蒼翠流雲氣高枝偃蓋撐晴空
低枝攬拏捐厚地青天忽詫蛟龍蟠赤日只疑風雨至
今年重到慈仁來蒼皮際裂枯幹摧一株已遭斤斧伐
一株僅存神鬱屈倔彊尚與夔魍爭愛惜或愁雷雨拔
其餘四株稍葱蒨青青翻是尋常質我聞此松植自金
元年初為摧折荒寒煙摩挲三歎淚如縷嗟爾托根原
失所慈仁寺中大作集寺門日日飛塵土珠玉錦繡走

詩兼太白昌黎
之勝 漫堂

黃埃日炙風霾氣，悽苦孤根不免蟲蟻穴。勁骨寧能馴
僧，伍君不見廬山簡寂觀。高松千尺飄霜霰，白鶴兩兩
巢其巔。仙人羽客時相見，又不見天台橋畔松作鱗之
而蒼虬龍銀河倒挂玉淙淙。獾斤獵火何由逢，吁嗟乎
人生位置有如此。上馬出門暮山紫。

詩格蒼老寄托又高
爲此題絕倡 漫堂

贈張真人

雷侯碎穀從赤松，果老中條騎茅龍。真人丹成騰霄景，
揖金母拜東王。公龍虎山深闕紫府，秀拔萬彙青芙蓉。
瓊芝瑤草晝芬葶，霓旌絳節行相逢。羨君不媿真人裔，

青門旅藁卷一

三

樑雲玉樹煙霞氣，丹篆錯落蛟螭蟠。青蛇森芒魍魎避，
看君豈是山澤癯。富貴神僊兩兼致，竭來謁帝明光殿。
有詔黃門數引見，班行禮數絕羣寮。御廚八珍大官饈，
方朔射覆天顏開。舍人投壺玉女粲，赤章夜半叩天關。
唐弓崇朝灑芳甸，豐隆屏翳紛後先。喫酒肥龍何足羨，
屈指還山暑已徂。薊門風葉鴻雁初，何須更權秋江艫。
鶴背爽風恣所如。

李鄴園先生內召拜大司馬二首

東南幕府賜專征，郡縣潢池有弄兵。鈴閣何妨揮羽扇，
京觀蚤已築蛟鯨。安危繫中朝望，鎖鑰寧論萬里城。

回首兩江爭戰壘。十年銷甲盡春耕。

牙旗高擁越溪還。詔領中樞曉入班。曳履上公趨魏闕。
勒銘片石壓胥山。兩朝身許麒麟畫。萬里風清虎豹閑。
武帳從容還晝接。雲霄玉几近龍顏。

西安將軍凱旋獻紅綠鸚鵡各一擬應制廿四韻
七萃索弓日。三驅振旅時。碧鷄通使節。朱鷺奏饒吹。琛
賁陳王會。共球集赤墀。好音懷絕域。珍羽表殊姿。迢遞
來京洛。艱難別隴坻。翠矜原白異。頰翼更標奇。對舞仙
人掌。分棲太液池。朱霞爛披錦。碧色弄清漪。苞采鸞皇

青門旅橐卷一

一

匹縹精孔翠。疑金眸雙炯。爍紺趾各森。纒乍入青叢。驚
翻紅蕖遲。風霜辭繡嶺。雨露託皇慈。竝立雕籠窄。
交飛殿殿宜。苑雲晴冉冉。禁柳綠垂垂。啄藥珠網銜。
花上玳瑁含。情宮女避。學語侍臣知。調舌嬌黃鳥。清歌
教雪兒。呼名巧自應。照鏡漫愁思。拊翼憐明慧。依人訝
別離。聖情寧翫物。符瑞畢臻茲。越雉重周譯。藥籠陋
漢祠。旅葵行白貢。巢鳳欲來儀。靈囿呦呦鹿。齋房鬱鬱
芝。微禽更何幸。先寄上林枝。

青門集中無詠物詩。惟此與雙白松耳。要不落小家數。存之以備一體。

毘陵邵長蘅子湘 纂一名

西陵毛先舒碎黃 評

予舊刻麓橐如干卷例不著評旅橐甲子以前詩文
經阮亭先生點次者十七諸子十三服其丹鉛矜貴
乃破例存之乙丑後客遊浙東西豫章間西陵毛穉
黃爲予評詩文各數十首矜貴畧如阮亭不忍刊落
竝以鑿梨予每見時賢文集多有批評圈點分繫以
名人姓氏自侯朝宗魏叔子諸君未能免俗私心竊
非之今復爾爾何異同浴而譏裸裎然數先生古處

青門旅橐卷二

一

可念也丁敬禮有云文之佳惡吾自得之後世誰相
知定吾文者耶邵長蘅識

古近體詩二

送少詹王阮亭先生祭告南海

九州九點烟四海環其外我聞昌黎語南海神最貴列
號祝融尊秩禮朱鳥配轟礮激地輪頡濛陷離位日月
所吐吞光景幻百怪巨魚動吞舟八九不芥憊蹴踏連
山移喁噲洪波沸明珠閒珊瑚瓊瑤涵鉅細其陽極朱
方汗漫疑無地島嶼錯星羅雜國十數計番舶乘風潮
千里歎而至靈怪孰縷詳記憶聊梗概功大報亦崇望

佚自三代。康熙甲子冬。省方勤翠蓋。岱宗封金泥。川嶽
上儀幣。峩峩瑯琊公。奉詔南海祭。冊祝領祠官。導從假
岡衛。曲柄繖子張。黃旂交龍會。金冊何煌煌。署口

今皇帝。錦羈銀鑿蹄。飛雪戒駮駟。到及春之中。氤氳遲
日麗。遙知牲璧虔。髣髴丹旂曳。赤螭夾頰蚪。蛇螭獻靈
異。畢事縱冥搜。覽古探幽闕。有無仙人羊。感慨崖山淚。
殷紅佛桑花。甘酸炎州荔。前年公奉使。劔閣攬征轡。夔
峽愁鑄劓。巴江急泝湃。兩卷蜀道吟。韓蘇互軒輊。茲行
復奇絕。山川真有待。秋風鴻鴈初。還朝佇旌旆。快讀嶺
南詩。碧海鯨魚大。

混茫飛動深得少陵氣
骨耳剽者乃以爲昌黎

青門旅藁卷二

二

將歸艸堂東故鄉親友

六州鐵鑄成一錯。三年悔蹋長安腳。春風昨夜夢還家。
艸堂辛夷已著花。大兒學書塗蚓鴉。小兒學語聲嘔啞。
嬌女狼藉施鉛華。天吳舊繡整不斜。覺來起坐久按莎。
鄰雞喔喔街鼓檣。潞河開凍綠波瀾。布帆運下三千里。
題詩先遣兒輩知。阿翁到家三月尾。江村樂事值夏初。
麥隴處處黃雲鋪。櫻桃未過來鮒魚。洞庭楊梅天下無。
巷南巷北雞豚社。處處招攜及老夫。

起語感慨哭
兀又不遜盡

南歸雜詩十首

失意倦爲客。因人賦曰歸。河身開凍闊。石首到家肥。一

棹春三月東風。鴈北飛五噫。揮手去宮闕。霽斜暉。

全首高老
對仗都別

二

十驛衛河路。塵沙晝欲冥。今朝柁樓底。恰送曉山青。隄柳遲牽纜。畦花入野亭。扣舷無限興。歌罷若爲聽。

三

魯連倜儻士。折矢下聊城。孤棹經過地。千年懷古情。春風亂花絮。崩岸齒河聲。寂寞空遺跡。荒臺畱姓名。

四

驟雨衝波立。官船上牖遲。濕帆欹覺重。雲岫復還疑。滾

青門旅橐卷二

三

滾浪花去冥冥。岸柳垂清宵不成寐。蕭颯野風悲。

五

一水分南北。長年報穩流。湖寬吞汶濟。地古接須句。茭岸牽笮。箸沙灣沒鷺鷥。鄉心浴下水。連夜繞揚州。

六

任城吾屢過。春晚又停艫。漕急喧津鼓。沙晴掠燕雛。詩名畱李杜。山色秀龜鳧。風景都如昨。勞勞愧老夫。

七

入舟春已夏。勝槩憶鄉園。芥茗山僧寄。鱖魚江市喧。青溪五柳下。白板一柴門。屈指到家日。新篁會上翻。

鍾吾臨決口。波浪野蕭蕭。黃水淮沂汨。青天螭蜃驕。聞
閭頻涕淚。壁馬且逍遙。河干廟食者。疏鑿想前朝。思平江伯
陳瑄尚書宋禮諸公也

細雨江南路。篷窗四月寒。雲開葛嶧小。天入射陽寬。身
世隨鷗鳥。滄浪老鷓冠。淮流日夜急。何處有垂竿。

卅年揚子渡。江水照星星。來往慚津吏。蹉跎惜壯齡。潮
頭京口白。日腳海門青。山靈笑鹵莽。未暇漱中泠。

青門旅橐卷二

舟中讀昌黎詩戲作

昌黎年纔四十五。齒落呀豁如牛呵。用昌黎詩語我幸明年
已半百。盤齷堅白排利錐。十年長作燕齊客。大肉硬餅
刀截泥。況今扁舟已歸去。故園樂事誰能裁。會剝三升
野鷄芡。卽噉百顆酸楊梅。秋塲黃鷄飣。新栗香粳堅。滑
休軟。炊七尺得閑百不惡。飽飯酣睡吟新詩。

喜歸草堂卽事四首

客路三千外。真成此日歸。草堂開竹徑。穉子欸荆扉。
暗黃梅雨溪涼白。衿衣樵青殊解事。已掃釣魚磯。

一屋笑聲滿團圍慰眼前兒頑作虎跳女大看蠶眠鄰
舍攜散酒親朋枉素牋倦還吾意愜卽事總欣然

三

舊諳農事慣歸及試新犁雨滑騎秧馬村深喚竹鷄林
泉吾健在藥餌未須攜已遂鹿門計烝梨仗老妻

四

幽事關心最東軒灑掃無東軒余讀書處臨池洗鵲鶴散快網
籠鼃蕉葉展新綠藤花匝故林異鄉那有此高枕且于

于四詩羅羅清疎

之武林舟中作

青門旅橐卷二

五

偶發湖山興翻爲觸熱行虎丘吳女榜鶯脰越溪程纜
解月初上曉涼風欲生青鞵吾已辦先聽冷泉聲

不到

不到西泠久幽尋興劇增孤山埋處士石屋定高僧秋
色高三竺冬青拜六陵烏藤兼白舫處處記吾曾

四可樓夜坐

過雨新月佳湖山澹空翠明鏡涵蛾眉一一相嫵媚閑
夜凭高樓開襟延爽氣疎竹四面風荷香偶然至何處

遲鐘聲南屏隔烟際

清景偶會直以少許勝人多多許

靈隱記遊六首

靈隱寺

紺宇倚青壁。攀躋出林杪。峰頂海色明。松鱗湖光小。理公經行處。香臺聚猿鳥。月上蓮花峰。鐘聲翠微宥。

飛來峰

千尺碧芙蓉。突兀湧平地。鵬味怒欲奮。猊扶勢如墜。青林生石根。石瘦林逾翠。上經古時藤。下委千年蛻。

冷泉亭

到此自成趣。冷泠瑩心神。泉聲冷枕席。雲氣生衣巾。隔湖竦翠壁。楮桂榮冬春。白蘇去已久。浩然懷古人。

射旭洞

在飛來峰南麓最爲奇勝亦各青林巖

青門旅橐卷二

六

石迸一線天。髓凝千玉乳。雲竇晝常滃。龍鼻睛亦雨。倒垂青菌苔。鬚瓣粲可數。鬼斧鑿玲瓏。仙靈茲棟宇。

呼猿洞

在蓮華峰後峭壁清泉疎梅石屋令人冷然有世外味

高僧昔呼猿。猿嘯應層嶺。蘿屋激飛泉。花龕隱清磬。猿去今千年。月明山湖冷。洞口梅花開。寂寂橫孤影。

三生石

在下天竺後巖壑幽深怪石林立石間字爲蒼蘚剝盡相傳是澤公李源坐語處

也

探奇不厭深。仄徑絕行屐。澗水香落梅。叢篁媚幽石。澤公竟有無。磨剔辨薛壁。落日不逢人。山空有麋跡。

諸詩如讀柳州遊記

正自引人著勝地

山行卽景

微雨湖上來。東風忽吹去。望見南高峰。濕雲巾。冒絮在
杖欵山屏。偶然遂幽趣。驚頭峰色青。籬落清泉注。古梅
四五株。欹斜互偃仆。枯蚪駁蒼蘚。香雪沾衣袂。好事
得山翁。幽香分日鑄。小住亦復佳。蕭疎澹塵慮。

拜岳鄂王墓下二首

岳鄂墳何處。棲霞落照中。黃龍竟遺恨。石馬尚嘶風。詔
獄成三字。羈琨泣兩宮。賀蘭誰踏破。灑淚滿江紅。王作
紅詞有駕長車踏
破賀蘭山缺之句

二

青門旅橐卷二

七

馬角憐淵聖。龜茲足紹興。君王無遠畧。大將亦能入。
夜靈旗閃屯雲。古木層年年墳畔。水鳴咽繞西陵。

深渾蒼老足
空向來作者

家二峰招丁葯園毛穉黃諸君看牡丹分賦四首

一捻沉香亭北。百叢移春檻。前何似阿咸花底。嬌歌急
管繁絃。

二

鄴下才名丁。屢河閒風雅。毛長清平試翻新調賦。手何

人擅場

三

忽憶草堂穀雨顏盤裏露籠霞一樣故園花發年年惆
悵天涯

四

葉葉枝枝曉豔風雨雨春殘明日預愁花謝夜深把
火還看

香山詩夜惜
衰紅把火看

寄題陳椒峰魯圃雜川少陵遊何將軍山林韻十

首

舊識名園勝枯槎臥短橋高松原聳壑獨鶴故昂霄正
有幽尋興無煩折柬招誰言居近市已覺勝情遙

二

青門旅豪卷二

八

亭軒自虛白筠石總幽清一徑香雷蝶雙柑午聽鶯
炊兼竹菌是滑想蓴羹飽飯支筇出林泉次第行

三

鶯粟分畦種山鵲晚著花樹深飛翠羽藤古蛻修蛇詩
律老逾細登臨興未賒何人解載酒時過子雲家

四

春園一夜雨曉徑濕燕支峭篠竹添翠潺湲溜入池蘋
開魚不覺花落鳥先知辛夷兼芍藥豔蕊漸紛披

五

夏木交柯暗風荷一頃香鈎簾凍雨過岸饋酒卮赤時

脚義皇近探書。宛藏夕陽歸翼亂。城郭晚蒼蒼。

六

潭影開曉鏡。秋檐臥白雲。先生獨隱几。客至偶論文。墨帖鶯羣換。爐烟鵲尾分。小山叢桂好。金粟綴紛紛。

七

寒日轉成趣。園扉扃不開。松徑落殘雪。石橋橫古梅。海鶴偶一唳。饑禽時下來。高人方宴坐。斜景覆蒼苔。

八

憶踏匡廬頂。香爐倚瀑泉。晴嵐飛急雨。暑月冷重棉。便思投老計。未辦買山錢。羨爾幽棲絕。淪漣勝輞川。

青門旅橐卷二

九

九

十年高臥客。舊直鳳凰池。已是驚增繳。憑誰著接離。風流餘老輩。頃領任羣兒。自覺閑居勝。詩筒鎮日隨。

十

主人湖海氣。才力敵陰何。老覺文章健。詩成感慨多。壯心頻攬鏡。醉眼且高歌。我亦求羊侶。巾車不厭過。

戲題青門介壽圖歌

男兒行年五十不快意。富貴神仙兩茫昧。塊磊突起方寸閒。啐呶恆衡嵩華岱。偶然遣畫介壽圖。畫師渲染聊遊戲。華堂景物秋新鮮。金粟半吐芙蓉妍。蒼鹿銜芝行

鶴舞雕欄碧檻圍綺筵堂中貌出顧翁坐錦織朝衣鶯
鶯補起花金頂銜水晶維佩刀觸綴璜玊青門先生豈
賤貧儼然六品稱官人德曜相莊亦垂白鳳翹繡蛟穩
稱身大兒儒衫趨僂僂小兒肩隨衣履新金卮進酒金
盤炙食單竟須羅八珍翠鬟兩兩顏如花淺碧輕紅籠
臂紗朱唇含聲嬌未吐笙簫板箏琵琶華堂頓覺春
風起珠簾窳地氍毹紫股紅珊瑚四尺強紫絲步障三
十里人言顧翁老作顛腐儒那得真致此君不見咸陽
大賈邯鄲姝坐身錢刀意氣殊生男不遣讀詩書朝持
牙籌暮帶印千騎往往專城居又不見黃口畧識之與

青門旅橐卷二

十

無撥取高第雄里閭與馬赫奕耀交衢安用撐腸拄腹
五千卷白首丹鉛作蠹魚顧翁歎顧笑不止井甃醯鷄
何足齒姓名獠貉噉垂盡奄奄蝮志生猶死畫圖丹青
良可誇富貴神仙只如此噫吁嚱駟馬高蓋愁欽峯祖
洲神芝不可尋屋梁仰面聊復爾後世子雲知我心

鋪敘點綴雜以詼調簡兮之遺音也固知青門胸次大有壘塊在

將遊粵東甯別西泠毛榭黃吳慶伯諸子

昨夜夢羅浮蓮峯三十二游水搖空青飛泉濕巖翠仙
姝顧我鬢瓊液飲微醉翠羽紛啾啾參橫林月墜覺來
乃茫然身滯西湖邊西湖二三月十里桃花妍鴨頭染

朝喜鬢髻青孱顏忽復乘逸興去上桐江舩桐江到瀆
水沿洄四千里花落瘴煙中鵝啼蠻箒裏君卧孤山雲
我弄羅浮月揮手長相思天南瑤州峽

仙骨孱然得
太白之秀

桐廬道中

桐廬一何佳江水清且泚遊儵若乘空鱗鬣粲可見倒
浮蔚藍天沙明雲錦亂山鵝映層巖高下殷紅爛微風
四山來飛花目爲珣桐君不可尋采藥踪汗漫日暮聞
清猿江迴碧山轉

山川映發使人
應接不暇

富春渚

千峰束一江湍激江逾駛兩崖翠若奔帆漾翠微裏凌

青門旅橐卷二

十一

晨過釣臺風便不得艤仰望入青冥巉巉俯江汜石壁
搖烟蘿巖花雜紅紫安得千尺竿先生釣名耳

結語自
足解頤

曉過釣臺不得上

七里空青卜幅烟推篷已過釣臺前曾攜陽羨碁盤片
來品桐江十九泉

衢州道中

歸鴈碧天盡輕帆太末城有邨皆橘樹無碓不灘聲山
入聞天峻江趨澗水清喜看戎馬定墟落試春耕

常山曉發

夜雨洗青嶂中車映曉嫩松杉滴疎響鷺鳴散空邨嵐

翠撲不濕泉聲爭澗喧欲尋丞相塚牧犢上荒原相傳山有

趙丞相墓

餘干官舍題壁

琵琶洲樹綠含烟羊角峰青儿案邊一夜桃花春雨漲

漁舟直到縣門前

唐人風韻

登餘干冠山三首

點點青山白鷺疎疎蟹榼漁莊千越亭前淥漲琵琶洲

上斜陽

二

青門旅棗卷二

三

桑苧千年茶竈考亭一窪墨池俯仰都成陳跡山僧自

汲軍持

陸羽茶竈在古思禪寺墨池在山頂相傳考亭註離騷處

三

廢堞已無遺蹟人家獨對寒蕪賸得長卿詩句白雲秋

草啼烏

舟泊瑞洪坐洪福寺竟日

維艇尋山寺老僧解送迎品茶誇竹噏餘干產茶以說竹鳴為最

餅釘芹羹樟樹一軒碧桃笙八尺清欣然成小住新浴

試衫輕

樟樹鎮晚泊鎮為王文成誓師地

閣。已。峰。高。翠。靄。橫。孤。蓬。水。驛。晚。烟。晴。天。垂。野。岸。星。辰。大。
橋。亂。荒。原。埃。火。明。正。憶。中。丞。開。幕。府。似。聞。枹。鼓。咽。江。聲。
虎。圈。豹。房。諸。將。健。論。功。何。意。出。儒。生。
氣格
蒼然

峽江縣阻風

百丈牽猶濕。長年困石尤。峰巒銜兩岸。蒼翠上孤舟。江
帶劔。鑼。闕。雲。封。玉。筍。幽。周。郎。有。遺。壘。何。處。問。巴。丘。

過翠子山望文丞相祠

丞相空祠螺石邊。孤舟弔古一潸然。崖山血盡憐精衛。
柴市魂歸泣杜鵑。亂後松杉無宰木。草荒蟲鼠臥寒烟。
黃冠故里成遺恨。暮雨垂江風滿天。

青門旅橐卷二

泊泰和追悼蕭孟昉四首

春浮主人蕭穎士。曾記相逢滕閣東。畫舫清歌銀母扇。
行廚斫鱠水晶葱。
春浮蕭氏園各水
晶葱吉安產也

二

當時賓客盛名園。任昉衣冠文舉尊。頭白故人重問訊。
玳梁燕去草侵門。

三

亂後刊章告密頻。咎緣欲祭語酸辛。青山處處堪埋骨。
顛顛都船老此人。
孟昉以誣坐繫出
獄甫三日而卒

四

百家燈火。傷江邨。橋影灘聲。月一痕。今夜西昌城下客。不須聞笛已銷魂。

上十八灘二首

怪石森。碁布孤舟鬪。嶮巖盤渦浮。象馬急溜臥熊羆。太古誰鑿。鴻濛亦好。奇千篙爭一鐫。邪許力爲疲。

二

匡風驚險絕。天柱亦雄哉。石齒晴飄雪。灘心地殷雷。虎牙縈綫縷。鹿角突嵒崖。試問三巴估。何如濫瀕埵。

二詩刻畫身歷乃覺其工

又十八灘口號三首

青門旅橐卷二

十四

萬安縣南雪作堆。灘聲百里殷。奔雷觸熱炎州君。莫訝扁舟自愛。荔支來。

二

黃公灘上響。驚湍旋轂崩。雲五月寒兩岸。青峰青不斷。輕帆安穩。第三灘。黃公亦名惶恐。第三灘綿繩灘也。

三

大舟牽。簞避石角小。舟刺篙石罅。中茶灘。犖礪。鰲灘壯。贛江也要鐵梢公。紙船鐵梢公。閩人語。

偶題

樟樹村村山鷓斑。溪流處處碧灣環。舫窗竟日推蓬坐。

看盡西江雨後山

贛江舟中憶亾友魏叔子三首

十年踪跡悵離羣，宿草青山黯暮雲。苦憶毘陵秋雨夜，竹樓燈火對論文。

二

每話金精意惘然，相思欲上剡溪船。我來試問金精處，

十二峰青響杜鵑。金精山叔子故居

想像荒榛掩墓門，名山不朽卽兒孫。水西破驛扁舟客，

暮雨青楓啼嶺猿。

青門旅橐卷二

五

雖不相關正是使人不能已已

盛誠齋儀部權關贛江賦贈不西效

十年華省客使節，大江西郭抱雙流。合山圍八境低，鹿

籬編茅麗。放翁詩疎疎虎眼籬估舶上鯨鯢，古蹟虔南勝新詩處

處題

五日南安舟中

客路愁逢節，茲晨倍黯然。桄榔橫浦驛，風雨上灘船。市

小蒲觴薄，鄉遙午夢牽。吳閶城下水，簫鼓正喧闐。雨郊

過大庾嶺詠古兼述旅懷五百字

函谷封泥丸，朝門倚肆研。天險自古今，梅關勢雄埒。燈

徑縈九山危。磴盤百折磨。天鑿垠堦入。雲吃雙闕仰。視
僅一罅青。天直如髮。緬思周秦前。橫嶺界百粵。椎髻雜
黎。獠人烟隔楚。越甌階啓任。囂尉陀乃僭。竊荒哉黃屋
娛。么膺豈雄傑。樓船楊僕軍。劍柱馬援烈。至今千餘年
世亂紛攘。奪唐宋置流人。此邦多遷謫。叶偉彼澤潞師
壯茲澶淵伐。功大謫易生。瘴鄉竟埋骨。衛公與萊公。異
代同一轍。柳州嗜食菘。昌黎喜見蠹。志完吾鄉彥。抗疏
逆鱗批。音同子瞻枕椰巷。僇人爲築室。樓傳鐵漢名。氣
壯騎箕訣。記一恐漏十。更僕難縷述。高名宇宙閒。一一
垂史筆。往來皆此地。遺跡尚髣髴。巨慙或免爰。忠良每

青門旅藁卷二

十六

離畢。千古貉一丘。臨風氣爲咽。過嶺地漸平。百里喜疎
豁。夾道多蒼松。蜿蜒蝮虻虯。質人代閱宋。元柯榦飽霜雪
翠羽落高枝。紅梅得古驛。維時仲夏初。薰風未炎熱。陂
田稻花香。溪路榕陰密。蠻花爛熳紅。蠻女跣足白。叶清
池見遊鱗。邨墟亂鳧鳴。叶活活澗泉鳴。青青蕉林蔚。殊
方欣乍到。卽事亦可悅。大海在其南。百瑤所自出。珊瑚
閒明珠貝璣。壓琥珀。叶犀象梅沉檀。乘潮集番舶。叶征
斂析秋毫。畧密澤憂竭。詎知聖主意。未常貴遠物。那

懸戒繭絲。閭閻自充溢。大府實高官。牟利到鹽鐵。試酌
憲之泉。誰淬李勉節。冶鑄與椎埋。姦民多窟穴。此又關

隱憂欲吐。吏捫舌薄暮。投逆旅。休駕脫巾。襪濁醪沾滿。
壺盤餐稍羅列。主人意不薄。庶幾慰饑渴。露氣生夜涼。
織織見新月。飄飄愧老夫。旅懷坐已鬱。逾嶺復入舟。整
帆遲明發。

地負海涵亦復雲興霞蔚
此等鉅篇足與杜韓鼎峙

入峽

千峰兩岸插天青。一綫滄江曲曲縈。枕簟怪來烟翠染。
荆關畫裏放舟行。

葉公二首爲某公作

葉公名好龍。夢想冀一遇。屋壁牆牖閒。畫龍以百數。一

青門旅橐卷二

七

朝真龍下驚汗走。且什虛名易摧敗。掩口笑童豎真龍。
倘不來公名竟千古。

二

龍行固天矯。見爪尾不露。詎能從擾馴。俛逐鱸鱠步。爾
來一何愚。悔爲葉公誤。溟澗雲濤寬。掉頭蛇虺去。

附 戲和子湘葉公之作

兄延齡

靜山

葉公好畫龍。頗亦得龍趣。鱗爪作之。而屋壁滄雲

霧潛見。與躍飛一一理。可悟姬公大聖人。取象非

無故。真龍爾胡來。似爲虛聲誤。吾聞龍所蟠。千丈

靈湫涸。出必從以雲風雷激。其怒葉公亦大賤。真

龍良可怖予視猶蝦蟇蝦蟇奚足慕

端州謠

千年老狐戴鬪髻蒼狗白衣不相識
猩狒跳跟能人言
山雞繡襪銜羽翼蝮蛇晝遊山霧昏
訓狐夜嘯庭樹黑
雀聖惡少誇堅肥腐儒低顏坐偏仄
泥滑滑行不得南
禽啁啾客淚零杜鵑意良厚不如歸去苦叮嚀

得樂府歌
謠之遺

發端州書感

垂老憐交態江山還自妍
半篙羚羊喚漲五筩蠻
入船灘
水潮通海星巖翠插天
端溪片石好吾與爾周旋
言外
感慨

青門旅藁卷二

六

海珠寺

珠石江心立榕陰覆一亭
城浮波浪動島入海天青
洋
舶龍幡虺僧堂屨氣腥
乘槎從此去星斗近南溟

南食行

嶺南食物可怪吁爾雅瑣細闕箋疏
昌黎作詩亦絀漏
我來目擊非誕虛音后形團團日生背
雌常負雄行躍
躍禾蟲黏涎縈絲縷狹長多足非卽且
蒲魚圓徑大車
輪腹下開口眼睢盱泥釘黑色不盈寸
蠕蠢頗類拖尾
蛆蟥蠕多尾一頭數尾
俗名游魚鸚哥綠鈎喙綠色
名鸚哥魚蛇頭亦魚名花
紋錦纈如紙毫八腳軀圓卵章舉一名
幫帶魚海婦人

長五寸許。宛然婦女同形。模有蛇四足。似蜥蜴。赤文綠質。窟渟淤。蠖殼如山。作牆壁。蝦蟆。蚱蟻。名紛拏。其餘怪狀。尚才數。一一鼎味充齋茹。雖和酸醎。毛薑。桂。象箸。欲下。仍躊躇。實憂腥惡。損腸胃。僧廚寄食。長茹蔬。荔子。自是神仙品。貢支黑葉。霏朝霞。叶貢支豐肉多液。每歲充貢。黑葉核小而圓。皆佳品。也。譬如萬鬼宅。幽宮飄然飛。下羣仙。姝綠雲。裁帔。縞絳羅。東坡詩。海山肌膚如雪瑩。瑤瑜我欲絳。章乞青帝住。種移植來東。吳洞庭。楊梅堪娣。奴堆盤。火齊交珊瑚。並峙江鱗。羅美味。鱗魚石首。鮮而腴。荔乎。荔乎。願自愛。炎州魑魅不可與久居。領異標新故。是必傳之作。

青門旅棗卷二

九

晚泊清遠

急雨洗炎瘴。暑氣欣暫清。暝色連遠岸。落帆倚荒城。烟際船火聚。沙上新月生。聯拳宿雙鷺。開闔見疎螢。夜久疑風雨。蕭蕭蒲葦聲。

峽山飛來寺

遙同瓦亭先生作

逆浪倚風帆。入峽風逾迅。翠濤乍低昂。目接不暇瞬。樹杪見招提。相傳自神運。想當飛來初。六丁激雷電。蒼龍駕雲車。神官嚴鞞。飄鬼工一夕成。遺蹟千年見。高下隱紅亭。參差露紺殿。竹樹交翠微。山色濃於澗。又聞歸猿洞。巖壑幽峭。舊猿去碧山。寂猿歸玉環。獻茲事出稗官。

亦足資談倦登臨。悵未遂帆迴。脰屢倦鐘聲。殷空江汜。
明文霞綺。

附前題

王士禛

方舟宿瀆陽。高峽厭蒙密。乘風指飛來。喜近調御室。
蒼蒼菩提樹。透迤寺門出。金碧閣蕭梁。幻語恐非實。
禹陽二帝子。何年此栖息。言采阮翁竹。遙應黃鐘律。
如何遂不還。空有湖城憶。東上綠崎危。詰曲昧踐術。
夾磴荔奴陰。青葱上初日。石壁留孤雪。飛亭俯江色。
沉沉晴川綠。活活流泉疾。敷坐愔忘歸。道遙問摩詰。

青門旅藁卷二

三

臯石山歌

入峽出峽二百里。瀆陽之峽特秀詭。臯石巉巉青刺天。
琢鏤玲瓏誰幻此。咄哉造物真好奇。巨靈夸蛾疲鑄錘。
谿衍宛轉類空洞。怪石撐距爭厥威。突如熊羆下飲水。
竦如鵬喙驚鷺飛。鈇如劒鋒割晴昊。密如束筍排蒼苔。
空。青蒼翠強名。狀鏤刻繪畫徒。爾爲插江絕壁無寸土。
下瞰江心蟠水府。盤渦深黑十丈餘。地底轟轟喧萬鼓。
人言其下穴老蛟。腥涎呀呷吞牛牯。絕頂遊戲來羣仙。
脯麟壁芝張瓊筵。羽衣絳節紛婀娜。雲錦屏風罌石壇。
韶石山高近咫尺。仙樂髮髯鳴鳳鸞。我來仰望不可上。

光景黶黶雲旃翻雜花濛濛吹細雨千崖萬壑空啼猿

觀音巖 遙同阮亭先生作

夕棹滄陽峽晨帆觀音巖拔地碧芙蓉秀色何巉崿峻
壁削無土坼石橫松楠短樹雜蒙巖冬夏青甍瓦榜磴
入巖仄暗壁如蠟黏危閣綴燕巢金身覆一龕縣乳象
璽珞五色垂鬚髮長眉一老僧誦經聲誦誦凭檻俯清
江江光映蔚藍告辭苦匆迫探幽意未厭靈境難久留

獵獵風蒲帆

附前題

粵山無寸膚斯巖益屣屣其下蟠水府其上排雲

青門旅橐卷二

三

寬洞穴豁天半十丈臨江涯騎危躡虛空險絕絳
綯梯白日忽晝晦疑逢魍與魍蝙蝠如白鴉鍾乳
皆倒垂羃歷掩洞門狡獪神所為暗瀑響陰壑尋
丈安可知灑落深潭中如弩齊發機佛座雲霧生
濛濛沾人衣遠江上明月欄杆拂參旗歸舟意惘
恍絕景誰能追

彈子磯

倚江巉崿削石壁屏障橫鋪染丹碧翠崖磨天五千仞
蒼根插江三百尺楠杉青青皆倒植石縫蜿蜒走蛇蟻
青冥無徑愁猿飛空或有仙人躡呀然竅穴自生成

篙工指點黃巢跡。彈丸有無真荒唐。鄙語齊東聊倚撫。
世俗傳訛每如此。炎方荒陋那足斥。兩岸峰巒正趁人。
臥看風帆如箭激。

庚嶺謁張文獻公祠

在雲封寺內

來鴈亭邊路。縣崖豁一門。天圍五管闊。山壓百蠻尊。丞
相祠堂占丹青。遺製存薄帷。挂蟲網。殘碣倚苔垣。榕樹
亂。雲葉簾梢絡石根。簡編已陳跡。風度尚堪論。炯識安
危繫。憂讒涕淚繁。淋鈴悲蜀道。金鏡想開元。託興荔支
賦。頻驚鷹隼魂。崇班還僕射。領郡憶鄉園。開闢蠶叢險。
鐫鑿霞駁痕。

嶺路爲文獻公開鑿

行人過枕席。旅客薦芳蓀。賸有

青門旅橐卷二

三

僧徒任應無。巫覡喧空梁。仍海燕落日。應啼猿木客。新
詩句。楓人暮雨村。曲江平圃在。松石帶山樊。

平圃公故居也

觸熱度嶺喜聞家。靜山兄使節已抵豫章。率爾奉

簡

祝融絳纛朱麾幢。南荒毒熱神所邦。赤螭軒騰驂駕六。
朱鳥觜沙刷翅雙。兜輿上嶺日卓午。十步五坐緣竿幢。
頰肩赤腳汗流趾。吐噓喘如吳牛虜。僕夫顛蹶我亦病。
蹋澗濯足流淙淙。晡投大庾弛擔裝。主人問答語不咙。
緋袍黃蓋新使者。滕王閣前熾畫艘。璽書視學體統異。
朱旆獵獵金鼓樅。縣知西堂屢夢我。恨不奮飛心則降。

握手欣然洗炎瘴。對牀風雨。熒青釭。第酬兄唱得好句。
燠篔金玉相擊撞。東湖荷花爛雲錦。輕帆連夜下章江。
宿清江寺

盛誠齋儀部招登八境臺二首

雙江如帶繞城流。積翠參差擁蝶樓。五嶺北來烟樹迥。
八閩東眺海雲浮。丹梯碧檻還今日。薜壁蟲碑記昔遊。
玉局風流曾此地。惠州老去又儋州。

青門旅棗卷二

三

炎方初伏此凭闌。八扇窗開俯碧湍。飛鷺浴鷗晴檻聚。
堆藍湧翠晚尊寒。宋元灰劫餘高棟。吳楚風檣倚急灘。
白鵲朱樓俱蔓草。隔江殷殷寺鐘殘。

舟夜

露坐遲明月。東峰缺處生杉篁。千尺影搖漾。半江清輝。
輝水螢亂滾。滾夜灘鳴。暑氣宵分薄。風涼白紵輕。

豐城道中

蕭灘一夜雨。颯颯疑清秋。曉放劔江艇。江渾淥漲浮沙。
村漁網集。遠岸菰蒲幽。向夕櫂聲亂。青莎飛白鷗。

讀阮亭先生南海集戲題奉簡

前年先生嶺南去，郡守郊迎令負弩。紅衫官道擁蠻娃，黃帽刺船謹蠻戶。今年我訪羅浮春，那伯如帝鬼司閹。託宿頗遭逆旅罵，半龕喜與爛勒親。回帆曉泊贛江下，故人邀我弄盃罈。盛誠齋儀部持贈先生南海吟，壓載鮫珠三萬顆。浴江孔雀翠，襪出珊瑚紅。磊砢我詩強哦口，如箱黃鐘鏗，鉤鐺缶啞。昌黎足令籍湜僵，醉翁或許蘇梅頰。蘇子美梅聖俞較量事事未稱意，只餘一事應輸我。我來正值荔支天，蘋虬珠堆瑪瑙盤。清泉初浴絳襦皺，蘭杏微擘冰肌寒。齒唇甜雪融，無滓瓊乳霞。液爭芳鮮方

青門旅臺卷二

五

紅江綠誰比數，釵頭丁香亦可憐。飽噉半月變頰髮，衰容看鏡驚朱顏。題詩遠寄華不注，想見先生掀額捧腹。吻流涎。清泉四語為荔支寫照色聲香味具足令我染頰

武昌謠

武昌城頭墮天狗，城中半夜聲如吼。百人狂，一犬嗾。示稍團團中丞府，鳴鶻橫貫將軍肘。九門樹旗畫飛礮，牧奴屠兒印如斗。團營十萬銀刀都，爾曹齏粉行遭屠。不見菜市街，縣賊顛誰作逆者。耿與吳。是漢魏謠辭在張文昌楊廉夫上

筠州漫興

鳳山之麓古筠州，兩城中貫錦江流。仙蹟有無象石嶺

相林青翠鮎魚洲秋深
綠霜薄陂田稻更收
摩挲北宋殘碑碣依舊東軒屬子由

西陂雜詠爲宋牧仲先生賦六首

淶波村

結廬宋城下豁達南湖口
水涵空青烟波盪窗牖閑
扉狎鳧鷗淺渚足魚藕試披輞川圖淪漣勝此不

釣家

泛宅計元疎移家意殊快
小艇籬根杙閑簷高柳挂落
日攜竿歸秋風響蒲稗釣亦自不得得亦自不賣

緯蕭草堂

青門旅棗卷二

五

水闊烟鶴小渚寒秋光薄
嫋嫋西風吹葭莢日搖落草
根亂蟲聲荝簷通夜作高人亦晏眠篝燈自織箔

和松菴

天空激翠濤夜靜疑風雨
開簾澹明河松頂月初吐攜
琴就松根一彈聊再鼓寥寥空山中冥心遊太古

芰梁

水淺菱葉亂水深菱蔓長
蔓長礙牽舫葉亂愁漸裳一
水橫畧約采采盈幽香溪路久延佇新月隱迴塘

放鳴亭

朝呼闌鳴山暮呼闌鳴歸寒翠
啜石髮浮沉弄漣漪浦

樹含遠綠。空亭漾清暉。沙頭兩鷗鳥。與爾共忘機。

西阪諸詠
最近唐辛

登臨江麗譙望閣皂山

山如傑閣竦。翠靄橫半空。白雲生山腰。却遮東西峰。雲去衆峰出了了。青芙蓉。福地傳圖志。列仙有遺踪。搗藥留丹白。靈禽鳴澗中。斗壇掃叢竹。瀑布吹天風。玉像出碧土。鐵鐘識咸通。宮觀千餘年。屢見劫火紅。唐碑想剝泐。宋碣應苔封。我來已半月。未暇試孤筇。青鞵蹋泥滓。慚愧塵土容。茲晨俯危樓。碧浪涌且重。秋巒正如洗。秀色開心胸。青鳥從西來。寄聲語仙翁。五嶽願儻諧。逝將巢雲松。

青門旅棗卷二

五

中秋客廬陵使院戲劾楊誠齋體

前年中秋客西湖南。高北高雲模糊去。去年中秋住白下。大珠小珠濺簷瓦。今年偶作廬陵客。四望青天喜澄碧。三年祇得一年晴。今年那得兩今夕。屋角初上黃金盆。月華桂露微網緇。須臾萬象共一色。碧烟歛盡玻璃寒。官釀鶯黃壓鄴醪。餽餉鷄頭閒鳴腳。諸君自醉我自醒。金波倒射鷓鴣杓。夜深獨上凭危樓。月下瞰白鷺洲。螺峰一點蒼烟浮。青原黛色橫城頭。滿前清景供冥搜。我詩老懶愁凋鏤。直向誠齋乞句子。明年月似今宵不。

舟中九日

九日頗為客。今年又轉蓬。川長遙鴈滅。秋老異鄉逢。樹千盤翠。江楓一葉紅。東籬花自好。漂泊漸成翁。

安福山行

涉冬氣微溫。南中信殊候。嗽澹林景清。巒寒翠微瘦。紺碧閒青黃。霜林紛纈繡。刁調振虛巖。羣響互奔湊。路傍千樾松。青青類舍耐。人聲驚磨逸。泥跡於菟鬪。磴石澀古蘚。暗泉洩巖竇。洪流去無踪。紆徑忽復遘。明滅榛莽中。蛇行屢回脰。斗折赴陂渠。瀧瀧決縣溜。出谷見邨墟。人烟午炊後。田家欣有秋。負暄嬉老幼。空園臥曉驢。低

青門旅橐卷二

七

精垂橋袖悠然懷故山。歲功亦已就。

撮諸王之標
乃爾新致

分宜道中二首

山腰縈細徑。仄磴滑苔封。紅葉不落。樹白雲時露。峰東泉依古澗崩。石偃枯松颯。颯黃茅。仆驚心印。虎踪

二

犖嶮山行盡。平洋帶一川。茶花繞籬落。冬月開白花。薺子可為油。

麥秀陂田犢。飲投前澗。鵬盤逼暮天。寒江臥虹影。驅石

話當年。萬年橋頗鉅。麗傳是故相嚴嵩作。

題孫徵菴前輩觀瀾圖小照二首

十年宦海得閒身回首驚濤拍岸頻何似鶴湖風景好
鴨頭微皺碧粼粼

白髮紅顏羽翰生黃婆丹鼎大還成御風會訪三山去
身在鼇簪頂上行徵庵頗談內丹故詩及之

袁州謁昌黎祠

祖龍一炬灰墳丘燭龍晝暝天帝瞽西京老翁彊解事
手箋口授牛毛稠當塗以還亂繩紫南島北索如羹粥
叶况復丘軻沒已遠東西二鳥鳴啁啾帝憂濁世塞糠
糝遣公騎麟下九州東坡碑詞下與濁世掃糝糠鈞韶九奏響阿閣

青門旅棗卷二

天

金鐘大鏞銜天球二鳥縮頸萬竅暗儀鳳舞獸紛夷猶
炎州湯沐帝所賜潮州量移仍袁州袁陽山城僅斗大
袁山孱顏袁江流元和去今一千載雲烟草木榮光浮
祠屋三開古臺下丹楹粉壁龍蛇幽豐碑倒薤纏鬚屬
公神縹緲應來遊星旄騰霄軟浮景挾兩蒼螭駮素蚪
十洲羣仙從遨戲閨圃純馬扶桑輶我欲挽公敬下拜
踞陳辯香公許不韓門弟子四五輩翺湜郊籍誰其信
天門詆蕩公不來風寒竹樹聲颼颼

足與李商隱讀韓碑詩頗頌千古

宜春臺懷古

圍匝千峰斗。大城層臺四望翠。烟橫巴陵水。關鴈初到。嶺麓霜寒猿夜聲。吏部殘碑纏野蔓。贊皇遺蹟鼠山隄。文章勳業俱黃土。寂寂袁江夕照明。臺左爲昌黎祠化處巖文饒讀書處

青門七律在
在起語力量

人日小飲收仲先生暑齋賦贈二首

軍吏放衙罷。翛然高士廬。一尊又人日。萬卷苦吟餘。殘雪明屋角。梅花對道書。凝香簾影外。凍雀下空除。

二

鈴閣真如水。臣心聖主知。指揮閑羽扇。環甲靜圍棊。

談次偶及戊辰七月定變事

扶屐雲卿圃。看碑孺子祠。風流笑山簡。

青門旅橐卷二

完

只醉習家池

雪後登滕王閣放歌

我攜鐵。遂羅浮。回豫章。城頭吹落梅。羅浮仙人。大狡儉。蜚廉膝六供。呵撝亂灑。梅花遍原隰。千峰一夜爭皚皚。曉披白鶴氅。獨上滕王閣。九疊屏風失。青翠瓊樓十二。垂珠箔。長江瀟淼迷孤蓬。漁舟藏浦高桅泊。團團萬頃水晶盤。一片寒光。冪寥廓。初疑海上浮神山。蓬壺縹緲不可攀。其物禽獸盡白色。用封禪書語銀爲宮闕虛無閒。又

疑。誤跨玉虹入月府。玉飄抱杵凍不舉。霓裳對對舞。仙妹清虛高處寒。如許可頭雉堞堆瓌瑋。嗟簷水拄地。鐸鈴

語鱗鱗萬瓦濕烟浮旋覺此身尚塵土忽憶滕閣今千
年滕王蛺蝶隨荒烟子安退之骨已朽何況珠簾歌舞
當時妍惟有西山只如舊此中棲隱多神仙洪崖丹竈
流銀汞蕭史茅龍耕石田我欲左攜葛勾漏右挽梅子
真徑呼玉蚪騎上天雲中縞鶴紛翩躩或言神仙之說
竟茫昧且飲美酒酩酊朱顏向晚江山轉清絕逸興拏雲
坐趨忽夜深蹋雪還上來揮手寒窗招海月

渾涵汪洋千彙萬爪青門木
情故未易多有許那不下拜

漢四神古鏡歌爲家汝爲作

蜚廉鼓鞞噓祝融幽煉三商騰雄虹陶煉三商
鏡背銘字金姥竊

青門旅橐卷二

三

月離月宮取兔作腊斫桂叢一片秋水空復空栢梁建
章窗玲瓏嬪嬙照影芙蓉紅茂陵相隨莽龍子千八百
年精不死飛出人閒土花紫硃砂翡翠斑鱗起阿咸得
之豫章市按圖考銘十二字囊以古錦陳文几要我作
歌傳久長湘簾夜夜凝寒光雷電搜取慎隄防

長吉嘔心語那得
如此秀爽 靜山

南康阻風和彭覲宸廷獻
夏庚 廷謨

宮亭湖上春風顛落星灘頭浪拍天二月未殘五老雪
長年誰放九江船黑豚無數正吹浪白鳥一雙特掠舷
蓬窗竟日蒙頭臥弟偕兄酬覺汝賢老筆疎放得
杜意 靜山

題錢舜舉三蔬圖和牧仲先生作三蔬菜筍蘆菹也

眼底青青見生菜，泥融雨濕流新翠。箭筍翻土一尺壘，錦綉乍脫嬰兒臂。恰疑江南三月天，不應蘆菹已出地。細看乃是三蔬圖，雲溪好手寫生殊。雪苑先生精賞鑒，一蔬五十六瓊珠。

先生分繫以古體長句五十六字

青門老圃江南客

蔬譜風味頗能說，爭春蚤韭抽露牙。破寒晚菘壓小雪。

椽羹青嫩蕨苗肥，點匙鹽豉蓴絲滑。驚雷森玉葦如釘。

切頸爛烝壺似鳴，叶桑鶯楮鷄下筋鮮。蔓青野薺登盤

活筠籃小摘瓜甲芳，薑辣橙香紛縷切。二十七種庾郎

青門旅橐卷二

三

鮭五百食器烏標饜，窮冬旨蓄貯凍壘。枯腸破甕寒菜

熱，揚誠齋詩自笑枯腸成破甕，一生只解貯寒菜。十年無事作行腳。南窮邕管

北幽朔，南庖只解腥介鱗。北饌未免誇羊酪，邇來日日

飽官厨。西江花豬白勝玉，雖憐菜籬遭蹴踏。頗笑將軍

不負腹，恐此亦復非良圖。齒雖未豁霜生鬢，青門三徑

行荒蕪。芋區瓜瓏歸當鋤，展圖惆悵胡爲乎。江南何處

無三蔬，噫噫吁。江南何處無三蔬。

如此學宋詩風韻正爾佳絕 靜山

庚午五日楊青邨大令邀泛琵琶湖六首

十日九日黃梅雨，半晴未晴端午天。餘干令君雅好事

酒鎗茶具上湖船

琵琶洲漲浸城門也有龍船鑼鼓喧最憶胥江水嬉盛

黃龍十丈繡旗翻

弋陽溪頭急雨生。羊角峯尖斜照晴。遊人艇子爭歸去

鴉軋滿湖柔艣聲

人散湖空鷓鴣閑。斷雲薄靄有無閒。移船更向梅巖下

卧看雲林一福山

青門旅棗卷二

三

五

三叉艸徑聽呼牛。一抹郵煙紫翠浮。山照欲沈殘雨散
斜飛白鷺掠船頭

六

背郭人家蚤上燈。青衫小吏立沙汀。底事回橈已曛黑
使君貪看晚峯青

芝城道中偶維舟村步即景

夏木十餘株。交柯暗空翠。茆簷三四家。繞溪種菱芰。纜

舟綠陰下。赤日無暑氣。邨婦餉田歸。邨童泗水戲。林外

殷其雷。湖雨忽而至。

舟中爲彭覲宸題四時漁樂圖

蓬窗十指如懸槌。彭子持畫索我題。展頁四幅漁樂圖。
平湖好手今倪迂。桃花水滿蒲葦綠。潑刺白鱖三尺玉。
薰風湖岸荷田田。綠陰樹底枕蓑眠。秋汀鴈落秋山翠。
得魚沽酒船頭醉。忽然幻出千峯白。一竿清絕孤舟客。
看圖髮髯笠澤湖。我亦煙波舊釣徒。憑將逸品雲林筆。
箸笠樓蓑貌老夫。

六月初二夜泊康郎山書所見

火雲崢嶸日欲暝。康郎山脚船拋碇。崖深樹黑鶴鴉呼。
漁燈星點互澄映。湖東黑雲起如綫。須臾潑墨滿湖面。

青門旅橐卷二

三

風伯噫欠初蓬蓬。忽然震撼翻天宮。戰馬萬匹車萬兩。
奔騰轟轡聲殷空。阿香玉女助威勢。掀海簸河洶洶。
可憐山根艤百艘。大船小船相舂撞。呌號吸呷人聲呢。
高桅摧折拔枿椿。駭浪澎湃走石缸。飄瞥一覆誰能扛。
赤光睽睽音閃黑雲裏。疑有神龍掉其尾。倒捲番君半。
湖水雪。雪。蕩蓬塵。萬矢雨聲似拔昆。陽壘泄水盛溢屋。
反飛虎豹股。栗牛馬死平地定。應深尺咫。三更風定雨。
漸微。敲火照艫乾處稀。我書一束亦漏濕。不眠咄咄頻。
嗟咨篙師斂手向前語。君今得生乃大喜。破書數卷不值錢。
飽蛟螭腹。尋常耳日出。開船打鼓聲起。看波面鞞。

紋生光景變幻只如此得喪俄頃何足驚君不見鳧鷖
拍拍風飽帆湖光依舊青於藍

橫空盤硬語妥帖力排莽
如此詩侶可不媿

擬山

仿舫居

巖屋如鷓螺盤旋通詰曲仿舫五芴餘芭蕉半池綠何
處來炎歊高樹夾修竹

到汝堂

到汝堂中坐翛然涼吹生娟娟翠篠合嘒嘒幽蟬鳴我
欲敷清簟卧聽疎雨聲

青門旅藁卷二

三

列岫亭

列岫隔江青孤雲就檐宿煙渚白鷗飛樹杪風帆逐微
雨鶴嶺來南宮山六幅

種瓜圃

開荒蓆葡林藝此五色種艸逕露未乾老僧來抱瓮我
亦種瓜人煙雨長鏡重

棟花坪

在到汝堂左高下種
棟樹予愛其景因名

石磴上修坪苔逕破幽鞞棟樹百餘株濃陰午匿市想
當花落時地衣紫錦濕

澹雪泉

泉絕佳而舊名頗俗予更
名以澹雪做參寥泉例也

北蘭簷雪禪西湖參寥子泉以二老名風流亦相似山
月。幌。轆。聲。幽。鳥。忽。驚。起。

短章高秀亦原
於青柳靜山

又寄題棟花坪

北蘭幽絕棟花坪上有斲成青玉梓棟陰滿地山鳥寂
隔院時聞落子聲。

李渭清宮贊典試雲南遙寄

銅龍闕下承新命黃雀風前過洞庭竿旆烟開六詔遠
澧沉天入九疑青木瓜砦古餘蠻壘金筑城荒闕使星
舊是長卿乘傳地盛張幾輩許傳經

南士盛覽張叔
俱從相如受經

青門旅橐卷二

三五

二

古驛秋蟬疎柳黃碧油幢擁下瀾滄鐵橋銅柱標蒙詔
一握孤雲露點蒼象馬頻年通貢道睽蠻盛世有文章
去攜李白瑠璃研詩句流傳通夜郎

